

عقيدة أهل السنة والجماعة

AQIIDAA AHLUSSUNNAA WALJAMAA'AH

Qopheessaan
Sheykh Muhammad Assaalih
Al-Usaymiin

Kan hiike
Gaalii Abbaaboor Abbaagummaa
Gulaala
shekh Jamaal shekh
Muhammad Ahmad



Oromo
Oromoo
ኦሮሞ

عقيدة أهل السنة والجماعة

تأليف
فضيلة الشيخ محمد بن صالح العثيمين

ترجمة
غالي أبابورأباغوما

مراجعة
جمال محمد أحمد



OROMO
OROMOO
أورومو

٢) المكتب التعاوني للدعوة والإرشاد و توعية الجاليات بالربوة، ١٤٤١هـ

فهرسة مكتبة الملك فهد الوطنية أثناء النشر

مركز أصول للمحتوى الدعوي

عقيدة أهل السنة والجماعة - اللغة الأورومية. / مركز أصول للمحتوى الدعوي؛ غالى ابابور.-

الرياض، ١٤٤١هـ

٤٨ ص، ٢١ سم x ٢١ سم

ردمك : ٩٧٨-٦٠٣-٨٢٤٩-٧٦-٥

١- العقيدة الإسلامية ٢- التوحيد

١٤٤١/٢٨٣٩

٢٤٠ ديوبي

رقم الإيداع: ١٤٤١/٢٨٣٩

ردمك : ٩٧٨-٦٠٣-٨٢٤٩-٧٦-٥

ب، العنوان

أ. ابابور، غالى



This book is the property of the Osoul Center. Permission is granted for it to be stored, transmitted, and published in any print, electronic, or other format - as long as the Osoul Center is clearly mentioned on all editions, no changes are made without the express permission of the Osoul Center, and a high level of quality is maintained.

☎ +966 11 445 4900

🖨️ +966 11 497 0126

✉ P.O.BOX 29465 Riyadh 11457

✉ osoul@rabwah.sa

🌐 www.osoulcenter.com



YAADAA GULAALAA

5

Kitaabni Aqiidaa ahlu sunna wal jamaa'ah. jedhamu kuni irra filatamaa kitaabban waayee aqiidaa keessatti qopheeffame keessa isa tokko. Abbaan isa qopheesses sheekha guddaa beekamaa Shekh Muhammad saalih al'useymiin Rabbi rahmata haagodhuuf. Akkana jechuun nama beekamaatu kitaaba beekama ummata muslimaatiif gumaache jechuudha. Ustaaz gaalii abbaaboor carraaqa jabaa godhee afaan keenya afaan oromootti hiikee akka ummanni keenya waayee Aqiidah murteessituu tana afaan isaatiin dubbissee hubatu godhe. Rabbiin kan kqopheeseeefi kan hikes isaan lameenu irraa haajaalatu, jannataanis galata haa galchuuf. Nutis gulaallee maxxansaafii karaa interneetiinis raabsinee akka ummata keenya bira gayu goone. Rabbiin nurraa haaqeebalu. Dhumarratti ummata keenyaa hundaan keessaattu dargaggootaafii barattootaan kitaaba kana akka dubbistanii irraa barattan isinii dhaamsa dabarsina. Jaarraan jirru jaarraa beekkomsaa, saayinsiifii teeknoloojii waan taheef barnoota islaamaarratti akka jjajjabaattan isiniin jenna. Barnootaafii ogummaa qabdaniinis diin keessan akka tajaajiltan isin yaadachiisna.

Shekh Jamaal shekh Muhammad

shekhjamal@yahoo.com

F/B: Abu Saalih Almuhamiri

00966505697461 KSA Riyadh



JECHA SHEKH BINU BAAZ WAAYEE KITAABA KANAA

Maqaa Rabbii akkaan mararfataa rahmata godhaa ta'eetiin

Faaruun kan Rabbii tokkichaati. Rahmanniifi nageenyi Nabiyyii booda isaa tii nabiyyiin biraa hin jirre, maatii isaaniifi sahaabota isaanii irra haa jiraatu.

Kana booda: Aqiidaa gabaabfamtuu gaarii taate kan obboleessi keenya Sheykh Muhammad bin Saalih Al-Usaymiin walitti qabe argee hunda isheeyuu dhaggeeffadhee, kitaabattiin waa'ee tawhiida maqaa Rabbiifi sifaata (amaloota) Isaa keessatti, mataduree maleykota, kitaabotaafi ergamootatti amanuu akkasumas guyyaa aakhiraatti, qadara toltuufi hamtuu isaa tii amanuu keessatti aqiidaa Ahlassunnaa wal jamaa'aa ilaachisee ibsa gahaa walitti qabachuu isheen hubadhe. Walitti qabuu ishee keessatti baay'ee gaaromsee bu'a qabeessa godheera. Waan barataafi Muslimni hundi amantii isaa kan Rabbitti amanuu, maleykota isaa, kitaabota Isaa, ergamoota Isaa, guyyaa aakhira, murtii Rabbii toltuufi hamaa isaa tii amanuu keessatti haajomu barbaachisu dubbateera. Faayidaa guddaa aqiidaatti rarra'u kan kitaabota waa'ee aqiidaa ilaachisee qophaa'e baay'ee keessatti hin argamne itti ida'eera. Rabbiin mindaa gaarii isa haa mindeessu. Beekumaafi qajeeluma isaf haa dabalu. Kitaaba isaa kanaafi kan birootiin ummata haa fayyadu. Nuufi isaa, akkasumas obboleeyyan keenya kan biroos Rabbiin qajeeloo qajeelfamoo beekumsa irratti hundaa'anii gara Rabbiitti waaman haa taasisu. Inni dhagahaan dhihoo waan ta'eef.

Kan isaa dubbate haajomaa Rabbii isaa kan ta'e Abdul Aziiz bin Abdullah ibn Baaz,

Rabbitiin isaf haa araaramu. Rabbitiin nabiyyii keenya Muhammad, maatii isaaniifi sahaabota isaanii irratti rahmata nageenyi haa buusu.

Itti gaafatamaa walii gala hoggansa qormaata ilmii, fatwaa, Da'awaaf qajeelfamaa duraanii



DUREE ABBAKITAABDICHAA

Maqaa Rabbii akkaan mararfataa akkaan rahmataa godhaa ta'eetiin Faaruun kan Rabbii Gooftaa aalamaati. Booddeen gaariin kan warra Rabbiin sodaatanuuti. Diinummaan miidhaa raawwattoota irratti malee hin jiru. Dhugaan gabbaramaan Rabbii tokkicha hiriyaan hin qabne mootii dhugaa ta'e malee akka hin jirre ragaan baha. Muhammadis gabricha Rabbiitiifi ergamaa Isaa ta'u, dhuma nabiyyootaafi duree warra Rabbiin sodaatanii ta'u ragaan baha. Nageenyi Rabbii Isaanirra, maatii isaanii, sahaabota isaaniifi warra hanga Guyyaa Qiyaamaatti isaan hordofan irra haa jiraatu.

Kana booda: Rabbiin ol ta'e ergamaa Isaa Muhammadiin ﷺ qajeelumaafi amantii dhugaatiin aalama hundaaf rahmata, warra hojjatuuf hidhannoofi gabroota hunda irratti ragaa godhee erge.

Isaaniifi, qur'aanaafi hadiisa irraa waan isaan irratti buuseen waan gaarummaan gabrootaafi haalli isaanii ittiin amantiifi addunyaa isaanii keessatti gadi dhaabatu kan aqiidaa sirrii, hojii gaarii, haala caalaafi naamusa ol aanaa irraa ta'e hunda ibseera. Ummata isaanii karaa ifaa kan halkan isaa akka guyyaa, nama salphataa malee irraa hin jallanne irratti dhiisanii deemaniiru.

Ummanni isaanii warri Rabbiifi ergamaa Isaatiif owwaatan karaa kanarra deeman. Isaan filatamoo ummataa sahaabota, taabi'ootaafi warra haala gaariin isaan hordofan irraa ta'aniidha. Sharii'aa isaatiin hojjatan; sunnaa isaas qabatan. Aqiidaa, ibaadaa, haalaafi naamuusa keessatti sunnaa isaa qarriffaan ciniinanii qabatan. Isaan garee ishee haqarratti injifattuu ta'u irraa hin dabne kan namni isaan xiqqeesse yookiin isaan faallesse hanga ajajni Rabbii dhufutti haala isaan sana irra jiranuun isaan hin miine irraa ta'an.

Nuti, faaruun kan Rabbiiti, faana isaanii irra deemaarra; adeemsaa isaanii ishee Qur'aanaafi hadiisaan deeggaramtuu taateen qajeelfamoodha.

Kana kan dubbannu tola Rabbiin nurratti oole dubbachuufi waan Mu'uminni hunduu ta'uun dirqama ta'u ibsuudhaafi.

Rabbiin ol ta'e nuufi obboleeyyan keenya Muslimaa jiruu addunyaafi aakhiraatti jecha raggaatuu taateen gadi nu dhaabuufi rahmata Isa biraa ta'e nuuf kenuun Isa kadhaa; inni Isatu kennaadha waan ta'eef.

Sababa matadureen kun akkaan yaachisaafi yaanni ummata isa keessatti faffaca'aa ta'eef, karaa gabaabinaatiin aqiidaa keenya, aqiidaa Ahlassunnaa waljamaa'aa bareessuun barbaade. Isaanis: Rabbitti amanuu, maleykota Isaa, kitaabota Isaa, ergamoota Isaa, guyyaa aakhiraatti, murtii Rabbii (qadara Isaa) toltuufi hamaa isaattis amanuudha. Akka Rabbiin hojji kana fuula Isaatiif qulqulluu, jaalala Isaa qunnamaafi gabroota Isaa kan fayyadu taasisun kadha.



AQIIDAA KEENYA KUTAA TOKKOFAA

Aqiiadaan (amantiin) keenya Rabbitti amanuu, maleykota Isaa, kitaabota Isaa, ergamoota Isaa, guyyaa aakhiraatti, murtii Rabbii (qadara Isaa) toltuufi hamaa isaattis amanuudha.

Gooftaa ta'uun Rabbiitti ni amanna. Innis Rabbii isaa uumaa, mootii, wantoota hundaa kan jijijiiru jechuudha.

Gabbaramaa ta'uun Rabbiittis ni amanna. Kana jechuun gabbaramaa dhugaati; wantoonni gabbaraman isaan alajiran hunduu dhara jechuudha.

Maqootaafi sifaata (amaloota) Rabbiittis ni amanna. Innis Rabbiin maqoolee gaggaariifi amaloota gugguutuu ol aanaa qaba jechuudha.

Kana hunda keessattuu tokkicha kophaa ta'uun Isaa ni amanna. Kana jechuun gooftummaa Isaa, gabbaramaa dhugaa, maqooleefi sifaata Isaa keessatti tokkicha hiriyyaa hin qabne ta'uun Isaa ni amanna. Rabbiin ol ta'e ni jedhe:

﴿رَبُّ السَّمَاوَاتِ وَالْأَرْضِ وَمَا بَيْنَهُمَا فَإِنْ عَذْدُهُ وَاصْطَلِرُ لِعَنَّدِهِ هَلْ تَعْلَمُ لَهُ سَمِيَّاً﴾ [مریم: ٦٥]

“(Inni) Gooftaa samii, dachiifi wantoota gidduu isaan lamaan jiran hundaati. Kanaafuu Isa qofa gabbari; Isa gabbaruu irrattis obsa qabaadhu. Sila Isaaf moggoo (fakkaataa) wahii ni beektaa?” (Maryam :65).

Ammas kan armaan gadiitti amanna:

﴿الله لا إله إلا هو الذي القيوم لا تأخذ له سنته ولا يوم له ما في السموات وما في الأرض من ذا الذي يشق عنده إلا ياذنه يعلم ما بين أيديهم وما خلفهم ولا يحيطون بشيء من علمه إلا بما شاء وسريع ترسية السموات والأرض ولا يتعد حفظهما وهو العلي العظيم﴾ [البقرة: ٢٥٥]

“Rabbiin Isa malee haqaan gabbaramaan hin jiru; (Inni) jiraataadha; waan hundaan dhaabbataadha. Mugaatiis ta'ee hirribni Isa hin qabatu. Wanti samii keessa jiruufi wanti dachii keessa jiru (hundi) kan Isaati. Inni hayyama Isaatiin ala Isa biratti araarsu eenyuma? Waan fuuldura isaaniitiifi waan duuba isaaniis ni beeka. Beekumsa Isaa irraas waan Inni fedhetti malee hin marsanu. Kursiin Isaa samiifi dachii irra bal'ateera. Isaan lamaan tikuun Isa hin dadhabsiisu. Innis ol ta'aa, guddaa dha.” (Albaqaraa :255).

Kan armaan gadiis ni amanna:

﴿هُوَ اللَّهُ الَّذِي لَا إِلَهَ إِلَّا هُوَ عَلَمُ الْغَيْبِ وَالشَّهَدَةُ هُوَ الرَّحْمَنُ الرَّحِيمُ ﴿٢٢﴾ هُوَ اللَّهُ الَّذِي لَا إِلَهَ إِلَّا هُوَ الْمَلِكُ الْقَدُوسُ السَّلَامُ الْمُؤْمِنُ الْمُهَمَّيْتُ الْعَزِيزُ الْجَبَارُ الْمُكَبِّرُ سُبْحَنَ اللَّهِ عَمَّا يُشَرِّكُونَ ﴿٢٣﴾ هُوَ اللَّهُ الْخَلِقُ الْبَارِئُ الْمَصْوِرُ لَهُ الْأَسْمَاءُ الْحُسْنَى يُسَيِّحُ لَهُ مَا فِي السَّمَاوَاتِ وَالْأَرْضِ وَهُوَ الْعَزِيزُ الْحَكِيمُ﴾ [الحشر: ٢٤ - ٢٢]

“Inni Allaahiidha; Isa gabbaramaan dhugaa isa malee hin jirre. (Inni) Beekaa fagoofi dhihooti. Inni akkaan rahmata godhaha akkaan mararfataadha. Inni Allaahii Isa gabbaramaan dhugaa isa malee hin jirre, mootii, hir'ina irraa qulqulluu, abbaa nagayaa, nageenya arjoomaa, Qeexaa, injifataa, guddaa (ol ta'aa), boonaadha. Waan isaan qindeessan hunda irraa Rabbiin qulqulla'e. Inni Rabbii Uumaa (waan hundaa), (waan hin jirre) Argamsiisaa, bocaa ta'eedha. Isaaf maqoolee gaggaarii ta'antu jira. Wantoonni samiifi dachii keessa Isa qulqulleessu (faarsu). Inni Injifataa ogeessa.” (Alhashr :22-24).

Mootummaan samiifi dachii kan Isaa ta'uus ni amanna:

﴿إِنَّهُ مُلْكُ السَّمَاوَاتِ وَالْأَرْضِ يَخْلُقُ مَا يَشَاءُ يَهْبِطُ لِمَنْ يَشَاءُ إِنَّهُ أَنَّهَا وَيَهْبِطُ لِمَنْ يَشَاءُ الْدُّكْرُ ﴾٤٩﴾ أَوْ بِرَوْجَهُمْ ذَكَرَنَا وَإِنَّهَا وَجَعَلَ مَنْ يَشَاءُ عَقِيمًا إِنَّهُ عَلِيهِ قَدِيرٌ ﴾الشورى: ٤٩، ٥٠﴾

“Mootummaan samiifi dachii kan Rabbiit. Waan fedhe uuma. Nama fedheef dubara kenna; nama fedheef immoo dhiira kenna. Yookiin dhiiraafi dubara makaa kenna. Nama fedhe immoo maseena godha. Inni beekaa, danda’aa dha.” (AShuuraa 49,50)

Kanas ni amanna:

﴿لَيْسَ كَمِثْلِهِ شَفَّٰٰ وَهُوَ السَّمِيعُ الْبَصِيرُ ﴾١١﴾ لَهُ مَقَائِيدُ السَّمَاوَاتِ وَالْأَرْضِ يَسْسُطُ الرِّزْقَ لِمَنْ يَشَاءُ وَيَقْدِرُ إِنَّهُ بِكُلِّ شَيْءٍ عَلِيمٌ ﴾الشورى: ١١﴾

“Rabbiin Fakkaataan Isaa hin jiru. Inni dhaga’aa, argaadha. Furtuun samiifi dachii kan Isaati. Nama fedheef kennaa bal’isa; (kan fedhe immoo itti) dhiphisia. Dhugumatti Inni waan hunda beekaa dha.” (Ashuuraa 11,12).

Ammas kana ni amanna:

﴿وَمَا مِنْ دَابَّةٍ فِي الْأَرْضِ إِلَّا عَلَى اللَّهِ رِزْقُهَا وَعَلَمَ مُسْتَقْرَهَا وَمُسْتَوْدَعَهَا كُلُّ فِي كَتَنِيٍّ مُّبِينٍ ﴾هود: ٦﴾

“Lubbu qabeeyyiin tokkollee sooranni ishee Rabbi irratti ta’u malee dachii keessatti hin taane. Iddoo jirenyia isheetiifi iddo du’a ishees ni beeka. Hundumtuu kitaaba ifa ta’e keessa jira.” (Huud 6).

Kan kanatti aanus ni amanna:

﴿وَعِنْدُهُ مَفَاتِحُ الْغَيْبِ لَا يَعْلَمُهَا إِلَّا هُوَ وَيَعْلَمُ مَا فِي الْأَرْضِ وَالْأَنْهَارِ وَمَا تَسْقُطُ مِنْ وَرَقَةٍ إِلَّا يَعْلَمُهَا وَلَا حَبَّةٍ فِي ظُلْمَنَتِ الْأَرْضِ وَلَا رَطْبٌ وَلَا يَأْسٌ إِلَّا فِي كَتَنِيٍّ مُّبِينٍ ﴾الأنعام: ٥٩﴾

“Furtuuwan fagoo (ghaybii) Isa bira jira. Isa malee homtuu ishee hin beeku. Inni waan dachii keessa jiruufi waan bahra keessa jirus ni beeka. Baala irraas tokkollee inni beeku malee hin kufu. Firiin dukkana dachii keessaa, jiidhaafi gogaanis kitaaba ifa ta’e keessa jiraatu malee hin hafu.” (Al'an'aam 59).

Ammas jecha Rabbii kanatti ni amanna:

﴿إِنَّ اللَّهَ عِنْدَهُ عِلْمُ السَّاعَةِ وَيَنْزَلُ الْغَيْثَ وَيَعْلَمُ مَا فِي الْأَرْضِ وَمَا تَدْرِي نَفْسٌ مَاذَا تَكُونُ غَدَّاً وَمَا تَدْرِي نَفْسٌ بِأَيِّ أَرْضٍ تَمُوتُ إِنَّ اللَّهَ عَلِيمٌ خَيْرٌ ﴾لقمان: ٢٤﴾

“Dhugumatti, Rabbiin beekumsi Qiyaamaa Isuma bira jira. Roobas ni buusa; waan gadaamessa keessa jirus ni beeka. Lubbuun tokkos waan boru carraaqqattu hin beektu. Lubbuun tokkos dachii kamitti akka duutu hin beektu. Dhugumatti, Rabbiin beekaa, keessa hubataa dha.” (Luqmaan 34).

Rabbiin ol ta'e waan fedhe yeroo fedhe akka fedhetti dubbata.

﴿وَكَلَمَ اللَّهُ مُوسَى تَكْلِيمًا﴾ [النساء: ١٦٤]

“Rabbiin haasofsiisuudhuma Muusaa haasofsiise.” (Annisa'i).

﴿وَلَمَّا جَاءَ مُوسَى لِيَقِنَّا وَكَلْمَةً، رَبَّهُ﴾ [الأعراف: ١٤٣]

“Yeroo Muusaan beellama keenyaaf dhufee Rabbiin isaa isaan dubbatu” (Al'a'iraaf 143).

﴿وَنَدَيْسَهُ مِنْ جَانِبِ الْطُّورِ الْأَيْمَنِ وَقَرْبَنَهُ بَحْرًا﴾ [مريم: ٥٢]

“Nutis moggaa mirga (gaara) Xuur irraa isatti lallabnee, maqoo itti haasa'uunis (of itti) isa dhiheessine!”

Kan armaan gadiittis ni amanna:

﴿فَلَمَّا كَانَ الْعَجْمَادَا لِكَلَمَتْ رَبِّي لَنَدَّ الْبَحْرَ قَبْلَ أَنْ تَنْدَ كَلْمَتْ رَبِّي وَتَوْجِنَّا بِمِثْلِهِ مَدَدًا﴾ [الكهف: ١٠٩]

“Odoo galaanni qalama jechoonni Gooftaa kiyyaa (ittiin barraa'u) ta'ee, silaa odoo jechoonni Gooftaa kiyyaa hin dhumne galaanni dhuma ture.”

Ammas Rabbiin ni jedhe:

﴿وَلَوْ أَنَّمَا فِي الْأَرْضِ مِنْ شَجَرَةٍ أَقْلَمُهُ وَالْبَحْرُ سُوْدَاءُ مِنْ بَعْدِهِ سَبْعَةُ أَبْخَرٍ مَا نَقْدَثُ كَلْمَتْ

﴿أَللَّهُ إِنَّ اللَّهَ عَزِيزٌ حَكِيمٌ﴾ [نَفَّاثَاتٍ: ٢٥]

“Odoo wanti dachii keessa jiru muka irraa qalamii ta'ee, galaannis booda isaatii kan galaanni torba jiru itti ida'amuudhaan (gargaaree ittiin barreeffameeyyuu) jechoonni Rabbii hin dhumu. Rabbiin injifataa beekaa dha.”

Akkasumas haasaan Rabbii haasaa oduu keessatti dhugaan guutameefi murtii keessatti haqaan guutame, dubbii keessatti bareedina qabu ta'uu amanna.

Rabbiin ol ta'e ni jedhe:

﴿وَقَمَّتْ كَلِمَتْ رَبِّكَ صِدْقًا وَعَدْلًا﴾ [الأنعام: ١١٥]

“Jechi Gooftaa keetii dhugaafi haqa haala ta’een xumurameera.”
(Al-an'aam: 115).

12

Ammas Rabbiin ol ta'e ni jedhe:

﴿وَمَنْ أَصْدَقُ مِنَ اللَّهِ حَدِيثًا﴾ [النساء: ٨٧]

“Eenyumatu haasawa keessatti Rabbirra dhugaa dubbata?” (Annisa'i: 87).

Qur'aanni haasawa Rabbii kan Inni dhugaan isa dubbate ta'uus ni amanna. Inni gara Jibriilitti isa darbe. Jibriil immoo gara qalbi Nabiyyichaatti ﷺ isaan bu'e.

Rabbiin ol ta'e ni jedhe:

﴿قُلْ نَزَّلَ رُوحُ الْقُدُسِ مِنْ رَبِّكَ بِالْحَقِّ﴾ [النحل: ١٠٢]

“Ruuhi qulqulluu (Jibriiltu) dhugaadhaan Rabbii kee biraatisa buuse.” jedhi. (Annahl: 102).

Ammas Rabbiin ol ta'e ni jedhe:

﴿وَإِنَّهُ لِنَزِيلُ رَبِّ الْعَالَمِينَ ﴿١٦١﴾ نَزَّلَ بِهِ الرُّوحُ الْأَمِينُ ﴿١٦٢﴾ عَلَى قَلْبِكَ لِتَكُونَ مِنَ الْمُذَرِّينَ ﴿١٦٣﴾ بِلِسَانٍ عَرَبِيًّا فِي مُبِينٍ﴾ [الشعراء: ١٩٢ - ١٩٥]

“Dhugumatti, inni (Qur'aanni) buufamaa Gooftaa aalama hundaati. Ruuhii amanamaa ta'e (Jibriiltu) isaan bu'e. Akka ati akekkachiftota irraa taatuuf jecha onnee kee irratti (buuse). Qooqa Arabiffaa ifa ta'een.” (Ashu'araa'i: 192-195).

Rabbiin ol ta'e zaata Isaatiifi sifaata Isaatiin uumama Isaa gubbaa ta'uu ni amanna. Rabbiin ol ta'e ni jedhe:

﴿وَهُوَ أَعْلَمُ الْعَظِيمِ﴾ [البقرة: ٢٥٥]

“Inni ol ta'aa guddaadha.”

Ammas ni jedhe:

﴿وَهُوَ الْقَاهِرُ فَوْقَ عَبَادِهِ وَهُوَ الْحَكِيمُ الْخَيِّرُ﴾ [الأنعام: ١٨]

“Inni gabroota Isaa irratti mo'ataadha; Inni ogeessa keessa beekaadhas.” (Al-an'aam: 18).

Ammas kan armaan gadii amanna.

﴿إِنَّ رَبَّكُمْ أَلَّهُ الَّذِي خَلَقَ السَّمَاوَاتِ وَالْأَرْضَ فِي سَيَّرَةِ أَيَّامِهِ مُؤْمِنًا مُّسْتَوْئِي عَلَى الْعَرْشِ يُدْبِرُ الْأَمْرَ﴾ [يونس: ٢]

“Dhugumatti, Gooftaan keessan Allaah Isa samiifi dachii guyyoota jaha keessatti uumee, ergasii Arshii irratti (ol ta’iinsa isaaf malu) ol ta’ee dha. Waan hundaa garagaggalcha.” (Yuunus: 3).

Ol ta’iinsi Rabbiin arshii Isaa irratti ol ta’e kun zaata isaatiin ol ta’iinsa guddina Isaatiin maluudha; akkaataa isaa immoo Isa malee eenyunuu hin beeku.

Rabbiin keenya Arshii ol ta’uu uumama Isaatii waliin jira; akkaataa isaanii ni beeka; haasaa isaanii ni dhaga’a. Dhimma isaanii ni jijijiira. Hiyyeessa soora; cabaa supha. Mootummaa abbaa fedheef kenna; mootummaa abbaa fedhe harkaa fuudha. Abbaa fedhe ni guddisa; abbaa fedhes ni xiqqeessa. Toltuun hunduu harka Isaati. Inni waan hunda irratti danda’adha. Rabbiin haalli Isaa akka kana ta’e dhugaadhumaan ummata Isaa waliin jira; akkasumas dhugaadhaan gubbaa isaanii Arshii ol jira.

Rabbiin ol ta’e ni jedhe:

﴿لَيْسَ كَحَشْلِهِ شَقٌّ وَهُوَ أَسْبَعُ الْبَصِيرِ﴾ [الشورى: ١١]

“Fakkaataan Isaa hin jiru. Inni dhaga’aa argaadha.” (Ashuuraa: 11)

Akka Jahmiyyaan warri Rabbiin waan hunda keessa qubsisanii kan isaan fakkaatan “inni uumama Isaa waliin dachii keessa jira” jedhan gonkumaa hin jennu. Namni kana jedhe kaafira yookiin jallataa ta’uu isaatti beekna. Sababni isaas inni Rabbiin hanqina isaan hin malleen ibseera waan ta’eef.

«يَنْزُلُ رَبُّنَا تَبَارَكَ وَتَعَالَى كُلَّ لَيْلَةً إِلَيِّ السَّمَاءِ الدُّنْيَا حِينَ يَبْقَى ثُلُثُ اللَّيْلِ الْآخِرِ يَقُولُ مَنْ يَدْعُونِي فَأَسْتَحِيَّ بِلَهُ مَنْ يَسْأَلُنِي فَأَعْطِيهِ مَنْ يَسْتَغْفِرُنِي فَأَغْفِرَ لَهُ» رواه البخاري ومسلم.

Isa ergamaan Isaa Isarraa dubbatanii **“Rabbiin keenya halkan hunda yeroo tokko sadaffaan halkanii inni dhumaa hafu gara samii addunyaa bu’ee “eenyutu ana kadhannaan owwaadhaaf? Eenyutu ana gaafannaan kennaaf? Eenyutu araarama narra barbaannaan araaramaaf?”** jedha jedhan ni amanna.

Akkasumas akka Rabbiin keenya Guyyaa Qiyaamaa jidduu gabrootaatti murteessuudhaaf dhufu ni amanna.

Rabbiin ol ta’e ni jedhe:

﴿كَلَّا إِذَا دَكَّ الْأَرْضَ دَكَّ دَكَّا وَجَاءَ رَبُّكَ وَالْكَلْكُ صَفَّا صَفَّا ۝ وَجَاءَهُ يَوْمَدْ بِعَهْمٍ يَوْمَدْ يَنْذَكِرُ أَلْإِسْنَنْ وَأَنَّ لَهُ الْيَكْرَى ۝﴾ [الفجر: ۲۱ - ۲۲]

“Dhorgamaa! Yeroo dachiin waliin dhawamiinsa jabaa waliin dhawamte. (Yeroo) Gooftaan kee dhufe; maleykonnis hiriira hiriiraan (dhufan). Guyyaa san jahannamis ni fidama. Guyyaa san namni ni yaadata. Yaadannoos (guyyaa sanii) maal isaaf godharee?” (Alfajri 21-23).

Akkasumas Rabbiin

﴿فَعَالٌ لَمَا يُرِيدُ﴾ [البروج: ۱۶]

“waan fedhe hunda akkaan hojjataadha” ta’uu (Alburuuj: 16).

ni amanna.

Fedhiin Rabbii ol ta’ee gosa lama ta’uu ni amanna. Isaanis:

Fedhii uumama (qadaraa): wanti inni fedhe isheedhaan ni argama. Isa jaalachuu Rabbiin dirqamaa miti; jibbuunis ni mala.

Rabbitiin ol ta’e ni jedhe:

﴿نَّاٰكَ الرَّسُّلُ فَضَّلَنَا بَعْضَهُمْ عَلَىٰ بَعْضٍ مِنْهُمْ مَنْ كَلَّمَ اللَّهَ وَرَقَعَ بَعْضَهُمْ دَرَجَتٍ وَءَاتَيْنَا عِيسَىً أَبْنَ مَرِيمَ الْبَيْتَ وَأَيَّدْنَاهُ بِرُوحِ الْقُدْسِ وَلَوْ شَاءَ اللَّهُ مَا أَفْتَلَ الَّذِينَ مِنْ بَعْدِهِمْ مِنْ بَعْدِ مَا جَاءَهُمْ أَبْيَنَتُ وَلَكِنَّ أَخْتَافُوا فِيمَنْهُمْ مَنْ ءَامَنَ وَمِنْهُمْ مَنْ كَفَرَ وَلَوْ شَاءَ اللَّهُ مَا أَفْتَلُوا وَلَكِنَّ اللَّهَ يَعْلَمُ مَا يُرِيدُ﴾ [البقرة: ۲۵۲]

“Ergamoota kana garii isaanii garii irra caalchifne. Isaan irraa nama Rabbiin ittiin dubbatetu jira. Garii isaaniis sadarkaa heddu ol kaase. Iisaa ilma Maryamiifis ragaawwan ifa ta’an kenninee jirra. Ruuhii qulqulluunis (Jibriiliiniis) isa jajjabeessine. Odoo Rabbiin fedhee, warri booda isaanii erga ragaawwan ifa taate isaanitti dhuftee booda wal hin lolan turan. Garuu isaan wal dhabani. Isaan irraa namni amane ni jira; isaan irraas kan kafare ni jira Odoo Rabbiin fedhee, wal hin lolan. Garuu Rabbiin waan fedhe hojjata.” (Albaqaraa: 253).

Nuuh ummata issatiin akkana jedhe jechuu Rabbitiin nuuf dubbatee jira.

﴿وَلَا يَنْقَعُوكُمْ نُصْحِحَ إِنْ أَرَدْتُ أَنْ أَصْحَّ لَكُمْ إِنْ كَانَ اللَّهُ يُرِيدُ أَنْ يُعَوِّيْكُمْ هُوَ رَبُّكُمْ وَإِلَيْهِ ۝ تُرْجَمُونَ ۝﴾ [هود: ۲۴]

“Yoo an isin gorsuu fedhes, yoo Rabbitiin isin jallisuu fedha ta’e

gorsi koo isin hin fayyadu. Inni Gooftaa keessani. Garuma isaa qofa deebitus” jedhe.” (Huud: 34).

Fedhii Sharii'aa: fedhiin inni kun argamuun dirqamaa miti. Wanti isa keessatti Inni fedhe hunduu Rabbiin biratti jaallatamaadha.

Fakkeenyaaaf

﴿وَاللَّهُ يُرِيدُ أَنْ يَتُوبَ عَلَيْكُمْ﴾ [النَّسَاءُ: ٢٧]

“Rabbiin tawbaa keessan qeebaluu fedha.” (Annisa'i: 27)

Fedhiin Rabbiin inni uumamaafi sharii'aa lamaanuu iccitii (ogummaa) Rabbiitiin ta'aatti amanna. Wanti Rabbiin uumama keessati murteesesse yookiin sharii'aa keessatti namoonni ittiin Isa gabbaran hunduu iccitii wahitiifi; akkasumas ogummaa irratti hundaa'eeti. Sana irraa waan beeknu barrus yookiin sammuun keenya isa baruu irraa gabaabbattus sanuma.

Rabbitiin ol ta'e ni jedhe:

﴿أَلَيْسَ اللَّهُ بِأَعْلَمُ الْحَاتِكِينَ﴾ [الثَّوْبَانُ: ٨]

“Sila Rabbiin irra murteessaa warra murteessanii hin taanee?” (Attiin: 8).

Ammas Rabbitiin ol ta'e ni jedhe:

﴿وَمَنْ أَحْسَنُ مِنَ اللَّهِ حُكْمًا لِّقَوْمٍ يُوقَنُونَ﴾ [المائدة: ٥٠]

“ummata hubannoo qabaniif Rabbirra kan murtii gaaromsu hin jiru.” (Almaa'idaa: 50).

Rabbitiin ol ta'e waliyyoota Isaa (warra Isa sodaatan) ni jaalata; isaanis Isa jaalatuu amanna.

Rabbitiin ol ta'e ni jedhe:

“yoo kan Rabbitiin jaalattan ta'eef na hordofaa; Rabbitiin isin jaalata’ jedhi.”

Ammas ni jedhe: **“fuulduratti Rabbitiin ummata isaan jaalatuuf isaanis Isa jaalatan fiduuf jira.”**

“Rabbitiin obsitoota ni jaalata.”

“haqa dalagaa; Rabbitiin warra haqa dalagan ni jaalata.”

“gaarii dalagaa; Rabbiin warra gaaromsan ni jaalata.”

Akkasumas Rabbiin gochaafi jecha irraa waan karaa godhe ni jaalata; waan dhorge immoo ni jibbaa amanna.

16

Rabbiin ni jedhe:

﴿إِن تَكْفُرُوا فَإِنَّ اللَّهَ عَنِّي عَنْكُمْ وَلَا يَرْضَى لِعِبَادِهِ الْكُفَّارُ وَإِن تَشْكُرُوا يَرْضَهُ لَكُمْ وَلَا تَرْزُرْ وَإِذْرَةٌ وَرُزْرُ أُخْرَى إِلَى رَبِّكُمْ مَرْجِعُكُمْ إِنَّمَا كُنْتُمْ تَعْمَلُونَ إِنَّهُ عَلِيمٌ بِذَاتِ الصُّدُورِ﴾ [ال Zimmerman: 7]

“Yoo kafartanis, dhugumatti Rabbiin isin irraa dureessa. Garuu gabroota Isaatiif kufrii hin jaallatu. Yoo (Isa) galateeffattan isa isiniif ni jaallata. (Lubbuun) dilii hojjattu tokko dilii (nama) biraan hin baadhattu. Ergasii deebiin keessan gara Gooftaa keessaniiti. Innis waan isin dalagaa turtan isinitti odeessa. Dhugumatti, Inni beekaa waan qoma keessaati.” (Azzumar: 7).

Ammas Rabbiin ni jedhe:

﴿وَلِكِنْ كَرِهَ اللَّهُ أَنْعَاثَهُمْ فَنَبَطَأْهُمْ وَقِيلَ أَقْعُدُوا مَعَ الْقَدْعَيْنِ﴾ [التوبه: 46]

“Garuu Rabbiin bahuu isaanii jibbee duubatti isaan hanbise; “warra taa’uu wajjiin taa’aa” jedhame.” (Attawbaa: 46).

Rabbiin warra amanani hojji gaarii hojjatan akka inni jaallatu ni amanna. Rabbiin ol ta'e ni jedhe:

﴿رَغْنَى اللَّهُ عَنْهُمْ وَرَضُوا عَنْهُ ذَلِكَ لِمَنْ حَسِنَ رَبَّهُ﴾ [البينة: 8]

“Rabbiin isaan irraa jaalate; isaanis Isarraa jaalatan. Kun nama Rabbiin sodaateefi.” (Albayyinah: 8).

Rabbiin ol ta'e kaafirootaafi kan biroo warra dallansuu haqa godhatanitti ni dallana jechuu amanna.

Rabbiin ni jedhe:

﴿وَيُعَذِّبُ الْمُتَنَقِّبِينَ وَالْمُتَنَقَّدِينَ وَالْمُشْرِكِينَ وَالْمُشْرِكَاتِ أَظَاهَانِهِنَّ بِاللَّهِ ظَرِبَ السَّوْءَ عَلَيْهِمْ دَأْبِرَهُ السَّوْءِ وَغَضِبَ اللَّهُ عَلَيْهِمْ وَلَعْنَهُمْ وَأَعَدَ لَهُمْ جَهَنَّمَ وَسَاءَتْ مَصِيرًا﴾ [الفتح: 6]

“ni qixaaxa Munaafiqoota dhiiraafi dubartootaa, mushrikoota dhiiraafi dhalaas, isaan Rabbi irratti hamtu yaadan, isaan irratti marsaan

hamtuun taatuudha. Dallansuun Rabbii isaan irratti haa jiraatu. Rabbiin rahmata irraa isaan haa fageessu. Jahannamiinis isaaniif qopheesseera. (Isheen) deebii akkaan fokkattuu dha!” (Alfath: 6).

Akkasumas akka Rabbiin keenya fuula guddinaafi kabajaan ibsamu qabu ni amanna. Rabbiin ni jedhe:

﴿وَبَقِيَ وَجْهُ رَبِّكَ ذُو الْحَلَلِ وَالْأَكَامِ﴾ [الرحمن: ٢٧]

“Fuula Gooftaa keetii kan guddinaafi kabajaatu hafa.” (Arrahmaan: 27).

Rabbii keenyaaf harki gaggaariin lama akka jiru ni amanna. Rabbiin ni jedhe:

﴿بَلْ يَدَاهُ مَبْسُوتَانِ يُنْفِقُ كَيْفَ يَشَاءُ﴾ [النادئ: ٦٤]

“Lakki! Inumaa harki Isaa lamaanuu diriiroodha; akka fedhetti kenna.” (Almaa’idaa: 64).

Ammas Rabbiin ni jedhe:

﴿وَمَا قَدَرُوا اللَّهُ حَقَّ قَدْرِهِ وَالْأَرْضُ جَمِيعًا قَبْضَتُهُ يَوْمَ الْقِيَامَةِ وَالسَّمَوَاتُ مَطْوِيَّاتٍ بِيَمِينِهِ سُبْحَنَهُ وَتَعَلَّمَ عَمَّا شَرِكُونَ﴾ [الزمر: ٦٧]

“Isaan Rabbiin guddina isaaf malu hin guddifne. Guyyaa Qiyaamaa dachiin guutuun qabaa Isaa keessa taati; samiiniis mirga Isaatiin maramtuu dha. Inni qulqullaa’e; waan isaan Isa waliin gabbaran irraas ol ta’e.” (Azzumar: 67).

Rabbii keenyaaf iiji dhugaa lama jiraachuus ni amanna. Rabbiin ni jedhe:

﴿وَاصْنَعْ الْفُلَكَ بِإِعْيُنِنَا وَوَحْيَنَا وَلَا تُخْطِبْنِي فِي أَذْنِنِي ظَلَمْوًا إِنَّهُمْ مُغَرَّبُونَ﴾ [هود: ٣٧]

“Dooniis ija (tika) keenyaafi ajaja keenyaan hojjadhu.” (Huud: 37).

Nabiyyichi ﷺ ni jedhan:

«حِجَابُهُ النُّورُ لَوْ كَشَفْهُ لَا هُرْقَ سُبْحَاتُ وَجْهِهِ مَا اتَّهَى إِلَيْهِ بَصَرُهُ مِنْ خَلْقِهِ». رواه مسلم.

“hijaabni isaa Ifaadha. Odoo inni ishee saaqee silaa guddinni fuula Isaa uumama Isaa irraa waan itti dhaqqabe hundaawuu ni guba ture.”

Ahlussunnaan iiji Rabbii lama ta’uu irratti walii galaniiru. Jechi Ergamaa Rabbii ﷺ kan waa’ee Dajjaal keessatti **“inni ballaadha; Rabbiin keessan ballaa mitti”** jedhu kana deeggara.

Kanattis ni amanna:

﴿لَا تُدْرِكُهُ الْأَبْصَرُ وَهُوَ لِلْأَبْصَرِ أَلَّا يُرَىٰ وَهُوَ الْلَّطِيفُ الْخَيِّرُ﴾ [الأنعام: ١٠٣]

“(Adduniyaatti) agartuun Isa hin agartu. Inni immoo agartuu hunda ni arga. Inni mararfataa, beekaa dha.” (Al-an'aam: 103).

Mu'uminoonni Guyyaa Qiyaamaa Rabbii isaanii arguu ni amanna.

﴿وَجُوهٌ يَوْمَئِذٍ نَّاضِرَةٌ ﴿٢٢﴾ إِلَىٰ رَبِّهَا نَاطِرَةٌ﴾ [القيمة: 22 ، 23]

“Fuulli gariin guyyaa san iftuudha. Gara gooftaa ishees ilaaltuudha.”
(Alqiyamaa: 22-23).

Akkasumas Rabbii waan sifaata guutuu qabuuf wanti isa fakkaatu hin jiru.

﴿لَيْسَ كَحَشِلِهِ شَقٌّ وَهُوَ السَّمِيعُ الْبَصِيرُ﴾ [الشورى: ١١]

“Rabbiin Fakkaataan Isaa hin jiru. Inni dhaga'aa, argaadha.”
(Ashuuraa: 11).

Akkasumas Rabbii keenya sababa jiruun Isaa guutuu ta'eef “mugaatiifi hirribni Isa hin qabu” ni amanna.

Haqummaan (dhugaan dhaabachuun) Isaa guutuu waan ta'eef eenyuunu hin miidhuutti amanna. Hojii gabroottan Isaa irraas dagataa miti; hordoffiin Isaafi hundaa marsuun Isaa guutuu waan ta'eef.

Dandeettiin Isaa guutuu waan ta'eef homaa samiifi dachii keessatillee Isa hin dadhabsiisu.

﴿إِنَّمَا أَمْرُهُ إِذَا أَرَادَ شَيْئًا أَنْ يَقُولَ لَهُ كُنْ فَيَكُونُ﴾ [يس: ٨٢]

“Ajajni Isaa, yoo waan tokko fedhe “tahi” jechuma qofa; yoosuu taha.” (Yaasin: 82).

Humni Isaas guutuu waan ta'eef dadhabbiifi ta'aabiin wahii Isa hin mudatu.

﴿وَلَقَدْ خَلَقْنَا السَّمَوَاتِ وَالْأَرْضَ وَمَا يَنْهَا مِنْ سَيَّئَةٍ أَيَّامٍ وَمَا مَسَّنَا مِنْ لُغُوبٍ﴾ [ق: ٣٨]

“Dhugumatti, Nuti samiifi dachii, akkasumas wantoota gidduu isaanii jiran guyyoota jaha keessatti uumne; dadhabbiin tokkoyyu Nu hin tuqne.” (Qaaf: 38).

Maqootaafi sifaataa irraa waan Rabbii ofi issaatiif mirkaneeffate yookiin Ergamaan Isaa ﷺ isaa mirkaneessetti ni amanna. Garuu nuti

waan sodaachisaa gurguddaa lama irraa gara Rabbiitti baqanna. Isaanis: Rabbiin uumamatti fakkeessuu. Innis namni tokko qalbii yookiin arraba isaatiin sifaanni Rabbii akka sifaata uumamaati jechuudha. Inni lammataa immoo kayfiyyaa (akkaataa) itti kaa'uudha. Innis namni tokko qalbii yookiin arraba isaatiin sifaanni Rabbii akkaatiin isaa akkana akkana jechuudha.

Akkasumas waan Rabbiin ofirraa dhabamsiise yookiin ergamaan Isaa ﷺ irraa dhabamsiise hundaawuu dhabamsiisuutti amanna. Waan tokko mormuun faallaa isaa immoo ni mirkaneessa. Waan Rabbiifi ergamaan Isaa irraa callise irraa ni callifna.

Karaa kana irra deemuun dirqama hafiinsa hin qabne ta'uutti fudhanna. Sababni isaas wanti Rabbiin ofii Isaatiif mirkaneeffate yookiin of irraa dhabamsiise oduu Rabbiin waa'ee Isaa irraa nutti himeedha. Rabbiin qulqullaa'e eenyurrayyuu Isatu of beeka; haasaas dhugaa dubbata. Gabroonni beekumsaan Isatti hin marsanu.

Wanti ergamaan Isaa Isaaf mirkaneesse yookiin irraa morme immoo inni oduu Ergamaan Rabbii ﷺ waa'ee Rabbii irraa nutti himaniidha. Isaan immoo uumama hundarra Rabbii isaanii beeku. Uumamaafis irraa gaarii yaadu; haasawas dhugaa dubbatu irra colleedhas.

Haasawa Rabbiifi Ergamaa Rabbiii ﷺ keessa beekumsa, dhugaafi ibsa guutuutu jira. Isa diduudhaaf yookiin qebaluu keessatti shakkuudhaaf sababni homaatuu hin jiru.



KUTAA LAMAFFAA

Sifaata Rabbii irraa wanti nuti adda baafnee yookiin walitti qabaan mirkaneessuu yookiin dhabamsiisuutti keessatti dubbanne hunduu, nuti sana keessatti Rabbii keenyaa, hadiisa nabiyyii keenyaa, waan salafoonni ummataa kanaa irra deemanifi waan imaamonni qajeeloon booda isaanii irra deeman irratti hundoofneeti.

Ragoolee Qur'aanaafi hadiisaa sana keessatti zaahira (hiika mul'ataa) irra deemsisuufi haqiqaa ishee Rabbiin malutti hiikuun dirqama ta'uun yaanna.

Karaa warra ishee jallisee irraa ni qulqulloofna; warra gara waan Rabbiifi ergamaan Isaa hin fedhinnitti ishee jallisee irraa.

Akkasumas karaa warra hiika ishee dhabamsiisee (onsee) kan hiika Rabbiifi Ergamaan Rabbii ﷺ irraa fedhe dhabamsiisanii irraas ni fagaanna.

Ammas karaa warra ishee keessatti daangaa taree warra uumamaan fakkeessuutti ishee hiikanii yookiin hiika isheetiif akkaataa kaa'uuf of cinqanii irraas ni fagaanna.

Wanti Qur'aana keessatti yookiin hadiisa keessatti dhufe dhugaa gariin isaa garii hin faallessine ta'uun ni beekna.

Rabbiin ol ta'e ni jedhe:

﴿أَفَلَا يَتَدَبَّرُونَ الْقُرْآنَ وَلَوْ كَانَ مِنْ عِنْدِ غَيْرِ اللَّهِ لَوْجَدُوا فِيهِ أَخْتِلَافًا كَثِيرًا﴾ [النساء: ٨٢]

“Sila isaan Qur'aana hin xiinxalanuu? Odoo waan Rabbiin alaa biraa ta'ee, silaa isa keessatti wal dhabpii baay'ee argu turan.”
(Annisa'i: 82).

Sababni isaas haasaan wal faallessuun gariin isaa garii kijibsiiusuu dirqamsiisa. Kun immoo haasaa Rabbiifi Ergamaa Rabbii ﷺ keessatti gonkumaa fagoodha.

Namni kitaaba Rabbii keessa yookiin hadiisa ergamaa Isaa yookiin jiddu lamaan isaanii waan wal faallessutu jira jedhee falme, sun kaayyoon isaa hamtuu ta'uufi qalbiin isaa jallachuu irraayi. Ariitiin gara Rabbiitti tawbatee jallina isaa irraa haa buqqa'u.

Namni kitaaba Rabbii keessa yookiin hadiisa ergamaa Isaa yookiin jiddu lamaan isaanii waan wal faallessutu jira jechuu yaade, sababni isaa barumsi isaa xiqqaachuu, hubannoona isaa gabaabbachuu yookiin xinxaluu keessatti hanqisuu isaati. Inni lhanga dhugaan isaaf galutti barumsa qoratee xinxaluu keessatti haa qabsaa'u. Yoo isaaf ifuu dide dhimmicha gara Isa beekuutti haa hirkisu. Shakkii isaa kana haa dhiisuu. Akkuma warri barumsa keessa gadi seenan jedhan haa jedhu: “itti

amanneerra; hunduu Rabbii keenya biraayyi.” Qur'aanaafii hadiisni wal dhabbiin isa keessa hin jiruu haa beeku.



KUTAA SADAFFAA

Maleykota Rabbiittis ni amanna.

﴿لَا يَسْتِقْوِنَهُ، بِالْقَوْلِ وَهُمْ بِأَمْرِهِ يَعْمَلُونَ﴾ [الأنبياء: ٢٧]

“(Isaan) gabroota kabajamoodha. Haasawaan Isa hin dursanu. Isaan ajaja Isaatiin hojjatu.” (Al-ambiyaa’i: 27).

Rabbiin isaan uumnaan ibaadaa isaa hojjatan. Ajaja Isaatiin bulan.

Rabbiin ol ta’e ni jedhe:

﴿وَلَهُ، مَنِ فِي السَّمَوَاتِ وَالْأَرْضِ وَمَنْ عِنْدُهُ، لَا يَسْتَكْبِرُونَ عَنِ عِبَادَتِهِ، وَلَا يَسْتَحْسِرُونَ ﴾ [١٩] ﴿يَسِّحُونَ أَيْلَلَ وَالنَّهَارَ لَا يَفْتَرُونَ﴾ [الأنبياء: ١٩-٢٠]

“wannii samiiwwaniifi dachii keessatti tahe kan isaati, jarreen isa biratti tahan (malaaykaan) Isa gabbaruu irraa hin boonan; hin hifatanis. Halkaniifi guyyaa (Rabbiin) qulqulleessu; hin boqatanis.” (Al-ambiyaa’i: 19-20).

Rabbiin nurraa isaan dhokse isaan hin arginu. Yeroo garii gabroota Isaa irraa nama gariitti ni mullisa. Nabiyyiin ﷺ Jibriiliin kan Qoochoo dhibba jaha qabu moggaa duuche arganiiru. Jibriil Maryamaatti nama guutuu fakkaatee isaan haasoftee innis isheedhaan haasa’eera. Namootaa Ergamaa Rabbii ﷺ bira jiranuu suuraa dhiira hin beekamnee kan mallattoon imalaas irraa hin mullanee addeebyi huccuu isaa cimaa, gurraachinni rifeensa mataa isaa cimaa ta’ee gara isaanii dhufee Ergamaa Rabbii ﷺ bira taa’e. Jilba isaa lamaan jilba lamaan Ergamaa Rabbiitti ﷺ hirkise. Harka isaa lamaan sarbaa isaa irra kaa’e. Nabiyyiidhaan ﷺ dubbatee isaanis isaan dubbatan. Achumaan akka inni Jibriiliin ta’e Nabiyyiin ﷺ sahaabota isaanitti himan. Maleykotaaf hojiin isaan itti dirqisiifaman akka jiru ni amanna.

Isaan keessaa Jibril wahyii irratti gaafatamaadha. Rabbiin biraayi gara nabiyyootaafi ergamaa Isaa abbaa fedheetti bu'a. Isaan irraa Miikaa'eel roobaafi biqiloota irratti gaafatamaadha. Israafil immoo yeroo gaggabbi Guyyaa Qiyaamaafi kaafamiinsaa xurumbaa afuufuutti gaafatamaadha. Isaan irraa maleykaan du'aa immoo lubbuu fuuchuu irratti gaafatamaadha. Maleykaan gaaraas gaara irratti gaafatamaadha. Isaan irraa maleykaa tiksaa ibiddatu jira. Ammas isaan irraa maleykota gadaamessa keessatti miciree irratti gaafatamaatu jira. Kan biroo immoo ilmaan Aadam tiksutti gaafatamoodha. Kan biroo immoo hojii isaanii barreessuutti gaafatamoodha. Nama hundaafuu maleykaa lamatu jira.

Rabbiti ol ta'e ni jedhe:

﴿إِذْ يَنَّقُلُ الْمُتَّكَبِينَ عَنِ الْبَيْنَ وَعَنِ التَّمَالِ فَعَدْ ﴾ [١٧-١٨] ﴿ مَا يَلْفَظُ مِنْ قَوْلٍ إِلَّا دَهِ رَقِبُ عَيْدٌ ﴾ [١٩]

“Yeroo (maleeykoni) jecha fuudhan lamaan mirgaafi bitaa isaa irra taa'anii jecha fuudhan (nuti gara isaatti dhihoodha). Tiksaa itti dhihaataan isa bira jiraatu malee jecha tokkoyuu hin dubbatu.” (Qaaf: 17-18).

Gariin isaanii immoo booda gara qubanna (qabrii) isaa keessa kaa'amee nama gaafachuu irratti gaafatamummaa qabantu jiru. Maleykonni lama isatti dhufanii waa'ee Rabbii isaa, amantii isaafi nabiyyii isaa irraa isa gaafatu.

Rabbiti ni jedhe:

﴿ يُشَّرِّطَ اللَّهُ أَنَّ الَّذِينَ آمَنُوا بِالْقَوْلِ الْثَّابِتِ فِي الْحِجَزَةِ أَذْنَنَا وَفِي الْآخِرَةِ وَيُضَلِّلُ اللَّهُ الظَّالِمِينَ وَيَقْعُلُ اللَّهُ مَا يَشَاءُ ﴾ [إبراهيم: ٢٧]

“Warra amanan jirenya adduniyaafi Aakhiraan keessatti jecha gadi dhaabbataadhaan Rabbitiin gadi (isaan) dhaaba. Rabbitiin miidhaa hojjattoota ni jallisa. Rabbitiin waan fedhe hojjata.” (Ibraahiim: 27).

Isaan irraa maleykaa warra jannataa irratti wakkalamantu jiru.

Rabbiti akkana jedhe

﴿ جَنَّتُ عَدْنَ يَدْخُلُونَهَا وَمَنْ صَلَحَ مِنْ أَبَارَهُمْ وَأَزْوَاجَهُمْ وَذُرِّيَّتِهِمْ وَالْمَاتِئِ كُلُّهُ يَدْخُلُونَ عَلَيْهِمْ مِنْ كُلِّ بَابٍ ﴾ [الرعد: ٢٢-٢٤]

“Maleeykonnis balbala hundaan isaanitti seenu. “Waan obsitaniif

nageenyi isin irratti haa jiraatu; gandi boodaa waa tole!" (jedhu)."
(Arra'ad: 23).

Nabiyyiin ﷺ "Baytal Ma'amuur isa samii keessa jiru guyyaa hundaa maleykaa kuma torbaatamu keessa seena; ergasii hanga dhumaatti gara isaa hin deebi'anu" gabaasa biraatiin immoo keessatti salaatu jechuu himaniiru.



KUTAA AFRAFFAA

Rabbiin kitaabota ergamoota Isaa irratti aalama hundaaf ragaafi warra hojjatuuf karaa godhee buusee akka isaan ittiin ummata barsiisaniifi qulqulleessan ni amanna.

Akkuma kana ergamoota hundaa waliinuu Rabbiin kitaaba buusuu ni amanna.

Rabbiin ol ta'e ni jedhe:

﴿لَقَدْ أَرْسَلْنَا رُسُلًا إِلَيْبِنَتٍ وَأَنْزَلْنَا مَعَهُمُ الْكِتَابَ وَالْيَرَاتَ لِيَقُولَّا إِنَّا شَاهِدُوا إِلَيْنَا هُنَّ مُشَاهِدُونَ﴾ [الحج: 25]

"Dhugumatti, ergamtoota keenya ragaawwan ifa ta'aniin erginee, kitaabaafi madaalas akka namoonni haqaan dhaabbataniif jecha isaan waliin buufnee jirra." (Alhadiid: 25).

Kitaabota kana irraa kan armaan gadii ni beekna:

A. Tawraatiin ishee Rabbiin Muusaa irratti buuse. Isheen irra guddoo kitaabota Banii Israa'iil. Rabbiin ol ta'e ni jedhe:

﴿إِنَّا أَنْزَلْنَا الْتُّورَةَ فِيهَا هُدًى وَنُورٌ يَحْكُمُ بِهَا الْمُنْتَهُوْكَ أَلَّذِينَ أَسْلَمُوا لِلَّهِنَّ هَادُوا وَالرَّبَّنِيُّونَ وَالْأَجَّارُ بِمَا أَسْتُحْفِظُوا مِنْ كِتَبِ اللَّهِ وَكَانُوا عَلَيْهِ شَهَادَةً﴾ [آل عمران: 44]

"Dhugumatti, Nuti Tawraatiin kan ishee keessa qajeelfamaafi ifaan jiru taasifnee buufnee jirra. Nabiyyoони warri fedha Rabbiitiif bulan warra yahuudomaniif isheedhaan murteessu.

Qeesonniifi beektonnis waan kitaaba Rabbiin irraa eegsifamaniniifi ishee irratti ragaa ta'aniin (murteessu). Namoota hin sodaatinaa; Ana sodaadhaa. Keeyyatoota kiyas gatii xiqaan hin gurguratinnaa. Namni waan Rabbiin buuseen hin murteessin, isaan sun kaafiroota.” (Almaa’idaa: 44).

- B.** Injiil isa Rabbiin Iisaa irratti buuse. Inni Tawraatiin ni dhugoomsa. Isa guutas. Rabbiin ni jedhe:

﴿وَقَيْنَا عَلَّقَ أَثْرِهِمْ بِعِيسَى أَبْنَ مَرْيَمَ مُصَدِّقًا لِمَا بَيْنَ يَدَيْهِ مِنَ التَّوْرَةِ وَأَنْتَنَاهُ إِلَيْنِيْلَ فِيهِ هُدَىٰ وَنُورٌ وَمُصَدِّقًا لِمَا بَيْنَ يَدَيْهِ مِنَ التَّوْرَةِ وَهُدَىٰ وَمَوْعِظَةٌ لِلْمُتَّقِينَ﴾ [المائدة: ٤٦]

“Faana isaanii irratti Iisaa ilma Maryam haala dhugeessaa waan isaan duraa Tawraat irraa ta'eetiin hordofsiifne. Injiliinis kan isa keessa qajeelfamniifi ifti jiru, dhugoomsaa waan isaan duraa Tawraat irraa ta'eefi (Rabbi) sodaattotaaf qajeelfamaafi gorsa haala ta'een isaaf kennine.” (Almaa’idaa: 46).

﴿وَلِأَحَلَّ لَكُمْ بَعْضَ الَّذِي حُرِمَ عَلَيْكُمْ﴾ [آل عمران: ٥٠]

“Garii waan haraama isinirratti godhamee halaala isinii gochuuf.”

- C.** Zabuuriin isa Rabbiin Daawudiif kenneedha.
- D.** Suhufi Ibraahiimiifi Muusaati.
- E.** Qur'aana guddaa Rabbiin nabiyyii Isaa Muhammad goolaba nabiyyootaa irratti buuseedha. Rabbiin ni jedhe:

﴿شَهْرُ رَمَضَانَ الَّذِي أُنْزِلَ فِيهِ الْقُرْءَانُ هُدَىٰ لِلنَّاسِ وَبَيِّنَاتٍ مِنَ الْهُدَىٰ وَالْفُرْقَانِ﴾ [البقرة: ١٨٥].

“Jiini Ramadaanaa isa Qur'aanni namootaaf qajeelfamaafi ragaa ifa bahaa qajeelfamichaafi addaan baasaa (haqaafi kijibaa) ta'e keessa buufameedha.” (Albaqaraa: 185).

﴿وَأَنْزَلْنَا إِلَيْكَ الْكِتَابَ بِالْحَقِّ مُصَدِّقًا لِمَا بَيْنَ يَدَيْهِ مِنَ الْكِتَابِ وَمُهَيِّمًا عَلَيْهِ﴾ [المائدة: ٤٨]

“Nuti Kitaaba irraa waan isa duraatiif dhugoomsaafi isa irrattis tiksaa ta'ee Qur'aana gara keetti buufneerra.” (Almaa’idaa: 48).

Rabbiin isaan kitaabota duraanii hunda shaaree harki namaa isa jijiiruu irraa wabii tiksuu Rabbiin ofumaa fudhate. Rabbiin ol ta'e ni jedhe:

﴿إِنَّا نَحْنُ نَزَّلْنَا الْكِتَابَ وَإِنَّا لَهُ لَغَافِرُونَ﴾ [الحجر: ٩]

“Dhugumatti, Nuti Zikrii Numatu buuse. Numatu isaaf tiksoodha.” (ALhijr: 9).

Sababni inni hanga Guyyaa Qiyaamaatti ragaa namoota irratti ta'ee hafa.

Kitaabonni duraanii yeroo murtaa'aadhaan murteeffamaadha. Kitaabni isa shaaru bu'ee jijiiraa isa keessa seensifame ibsuudhaan dhuma. Kanaafuu isaan tikfamoo hin turre. Ishee jijiirraan, daballiifi hir'isuun keessa seeneera.

Rabbiin ni jedhe:

﴿مِنَ الَّذِينَ هَادُوا يُحَرِّفُونَ الْكَلِمَاتَ عَنْ مَوَاضِعِهِ﴾ [النساء: ٤٦]

“Isaan yahuudoman irraa (warra) jechoota iddoa isaanii (kan sirrii) irraa jijiirantu jiru.” (Annisa'i: 46).

Rabbiin ni jedhe

﴿فَوَيْلٌ لِّلَّذِينَ يَكْتُبُونَ الْكِتَابَ بِأَيْدِيهِمْ ثُمَّ يَقُولُونَ هَذَا مِنْ عِنْدِ اللَّهِ لِيَشْرُوْبُوهُ، ثُمَّنَا فَلِيَلْأَهْمَمْ فَوَيْلٌ لَّهُمْ مَمَّا كَتَبْتُ أَيْدِيهِمْ وَوَيْلٌ لَّهُمْ مِّمَّا يَكْسِبُونَ﴾ [القرآن: ٧٩]

“Warra kitaaba harka isaaniitiin katabanii, ergasii isaan gatiimuraasa bitachuuf jecha “kun Rabbiin biraan bu'e” jedhaniiif badiin mirkanaa'e! Waan harki isaanii barreessiteef jecha badiin isaaniif haa ta'u! Ammas waan isaan carraaqqataniif jecha badiin isaaniif haa ta'u.” (Albaqaraa: 79).

Ammas Rabbiin ni jedhe:

﴿وَمَا قَدَرُوا اللَّهَ حَقَّ قَدْرِهِ إِذْ قَالُوا مَا أَنْزَلَ اللَّهُ عَلَىٰ بَشَرٍ مِّنْ شَيْءٍ قُلْ مَنْ أَنْزَلَ الْكِتَابَ الَّذِي جَاءَ
بِهِ مُؤْسَىٰ نُورًا وَهُدًى لِلنَّاسِ تَجْعَلُونَهُ قَرَاطِيسَ تُبَدِّلُونَهَا وَخَفْوُنَ كَثِيرًا وَعِلْمَنَتُمْ مَا لَمْ تَعْلَمُوا أَنْتُمْ وَلَا
أَبْاَتُمْ كُمْ قُلَّ اللَّهُ شَمَّ ذَرَهُمْ فِي خَوْضِهِمْ يَلْعَبُونَ﴾ [الأنعام: ٩١]

“waa Rabbiin hinkabajne kabajaa haqa isaa yeroo Rabbiin ilma namaarratti homaa hinbuufne jedhan, Ifaafi namootaaf

qajeelfama haala ta'een kan isin waraqaalee baay'ee isa gootan kitaaba Muusaan ittiin dhufe eenyutu buuse? (Kan feetan) ishee mul'iftu. Baay'ee immoo ni dhoksitu.” (Al-an'aam: 91).

Rabbiin ol tahe nijedhe.

﴿وَإِنْ مِنْهُمْ لَفَرِيقًا يَأْلُوْنَ أَسْيَنَتُهُمْ بِالْكِتَبِ لِتَحْسِبُوهُ مِنَ الْكَافِرِ وَمَا هُوَ بِ
الْكِتَبِ وَيَعْلَمُونَ هُوَ مِنْ عِنْدِ اللَّهِ وَمَا هُوَ بِمِنْ عِنْدِ اللَّهِ وَيَقُولُونَ عَلَى اللَّهِ الْكَذِبَ وَهُمْ
يَعْلَمُونَ ﴿٧٨﴾ مَا كَانَ لِبَشَرٍ أَنْ يُؤْتِيهِ اللَّهُ الْكِتَبَ وَالْحُكْمَ وَالثِّبَابَ ثُمَّ يَقُولُ لِلنَّاسِ
كُوْنُوا بِكَادَا لَيْ مِنْ دُونِ اللَّهِ وَلَكِنْ كُوْنُوا رَبِّنَيْتُمْ يَمْكُثُمْ تَعْلِمُونَ الْكِتَبَ وَبِمَا كُنْتُمْ
تَدْرُسُونَ ﴿٧٩-٧٨﴾ [آل عمران: 79-78]

“Isaan (Yahuudota) irraay, odoo inni kitaaba irraa hin ta'in akka isin kitaaba irraayi jettanii isa yaaddaniif jecha garee arraba isaanii kitaabaan micciirantu jiru. Odoo inni Rabbiin biraan hin ta'inis Rabbiin biraayi jedhu. Odoma beekanuu Rabbirattti kijiba dubbatu. Ilma namaa tokkoof Rabbiin kitaaba, hukmi (beekumsaafi hubannoo seera amantii)fi nabiyummaa isaaf kennee, ergasii namootaan “Rabbi gaditti gabroota naaf ta'aa” jechuun (isaaf) hin malu. Garuu (kan inni isaaniin jedhu) waan kitaaba barsiisaa turtaniifi waan qu'ataa turtaniifi jecha beektota beekumsa isaaniitiin hojjatan ta'aa jechuudha.” (Aala Imraan: 78-79).

Ammas Rabbiin ni jedhe:

﴿يَأَهْلُ الْكِتَبِ قَدْ جَاءَكُمْ رَسُولُنَا مُبَيِّنٌ لَكُمْ كَثِيرًا مَنْتَهِيَتْ مُخْفَوْنَ مِنَ
الْكِتَبِ وَيَعْقُلُونَ كَثِيرٌ قَدْ جَاءَكُمْ مِنْ اللَّهِ نُورٌ وَكِتَبٌ مُبَيِّنٌ ﴿١٥﴾ يَهْدِي
يَهُ اللَّهُ مِنْ أَنَّبَعَ رِضْوَانَكُمْ شَبَلَ السَّلَامِ وَيُخْرِجُهُمْ مِنَ الظُّلْمَاتِ إِلَى النُّورِ يَأْذِنُهُ
وَيَهْدِيهِمْ إِلَى صَرْطِ مُسْتَقِيمٍ ﴿١٦-١٥﴾ [المائدة: 16-15]

“Yaa warra kitaabaa! Ergamaan keenya kan irra hedduu kitaabaa irraa waan isin dhoksa turutan isiniif ibsuufi baay'ee isaa immoo dhiifamaan irra isiniif dabru isinitti dhufeera. Dhugumatti, iftiifi kitaabni ifaa ta'e Rabbi irraa isiniif dhufeera. Rabbiin nama jaalala Isaa karaa nagaa hordofe ittiin (kitaabichaan) qajeelcha. Dukkana irraa gara ifaatti eeyyama Isaatiin isaan baasa. Gara karaa sirriis isaan qajeelcha.”

Ammas Rabbiin ni jedhe:

﴿كَفَرَ الَّذِينَ قَالُوا إِنَّ اللَّهَ هُوَ الْمَسِيحُ ابْنُ مَرْيَمَ قُلْ فَمَنْ يَمْلِأُ مِنَ اللَّهِ شَيْئًا إِنْ أَرَادَ أَنْ يُهْلِكَ الْمَسِيحَ ابْنَ مَرْيَمَ وَأَنْتُمْ وَمَنْ فِي الْأَرْضِ جَمِيعًا وَلِلَّهِ مُلْكُ الْأَرْضِ الْسَّمَاوَاتِ وَالْأَرْضِ وَمَا بِنَهْمَمَا يَخْلُقُ مَا يَشَاءُ وَاللَّهُ عَلَى كُلِّ شَيْءٍ قَدِيرٌ﴾ [آلناثة: ١٧]

“Warri “Rabbiin isumatu Masihi ilma Maryami” jedhan dhugumatti kafaraniiru. Jedhi: “sila yoo Inni Masihi ilma Maryam, haadha isaatiifi namoota dachii irra jiran hunda balleesuu fedhe eenyutu Rabbi irraa isin tiksa?” Mootummaan samii, dachiifi wantoota gidduu isaan lamaanii jiran hundaatuu kan Rabbiiti. Waan fedhe uuma. Rabbiin waan hunda irratti danda'aadha.” (Almaa'idaa: 17).



KUTAA SHANAFFAA

Akka Rabbiin ergamoota gara ummata isaatti erge ni amanna.

Rabbiin ol ta'e ni jedhe:

﴿رُسُلًا مُّبَشِّرِينَ وَمُنذِرِينَ لِئَلَّا يَكُونَ لِلنَّاسِ عَلَى اللَّهِ حُجَّةٌ بَعْدَ الرُّسُلِ وَكَانَ اللَّهُ عَزِيزًا حَكِيمًا﴾ [النساء: ١٦٥]

“Akka Ergamtoota booda Rabbi irratti namaaf ragaan hin argamneef Gammachiisoofi dinniinoo taasifnee ergamtoota (ergine.) Rabbiinis injifataa, ogeessa.” (Annisa'i: 165)

Akkuma kana jalqabni isaanii Nuuhi dhumti isaanii immoo Muhammadiin ta'uu amanna. Nageenyi hunda isaanii irra haa jiraatu.

﴿إِنَّا أَوْحَيْنَا إِلَيْكَ كَمَا أَوْحَيْنَا إِلَى نُوحٍ وَالنَّبِيِّنَ مِنْ بَعْدِهِ﴾ [النساء: ١٦٣]

“Nuti akkuma Nuuhiifi nabiyyoota booda isaatti wahyii goone gara keettis wahyii gooneerra.”

﴿مَا كَانَ مُحَمَّدًا أَبَا أَحَدٍ مِّنْ رِجَالِكُمْ وَلَكِنْ رَسُولَ اللَّهِ وَخَاتَمَ النَّبِيِّنَ وَكَانَ اللَّهُ بِكُلِّ شَيْءٍ عَلِيهِمَا﴾ [الأحزاب: ٤٠]

“Muhammad dhiirolee keessan irraa nama tokkoofuu abbaa hin taane; garuu Ergamaa Rabbiifi dhuma nabiyyootaati.”

Irra caalaan isaanii Muhammaadi; ergasii Ibraahiim ergasii Muusaa ergasii Nuuh ergasii Iisaadha. Isaan warra jecha Rabbii keessatti filatamanii dubbatamaniidha:

﴿وَلَذِكْرَنَا مِنَ الْيَتِيمَ مِيتَقْهُمْ وَمِنَكُمْ وَمِنْنَا مِنْهُمْ وَمِنْ قَوْمٍ فِي بَرِّهِمْ وَمُوسَى أَبْنَ مَرْرَمْ وَأَخْذَنَا مِنْهُمْ مِيتَقْهُمْ غَلِيظًا﴾ [الاحزاب: ٧]

“Yeroo Nuti nabiyyoota irraa waadaa isaanii, ammas siraa, Nuuh, Ibraahiim, Muusaafi Iisaa ilma Maryam irraas qabne (yaadadhu). Isaan irraa waadaa cimaa qabne.” (Al'ahzaab: 7).

Akkasumas sharii'aan Muhammad ﷺ sadarkaalee gurguddoo sharii'aan ergamoota filatamoo kanaa qaban hundaa of keessaa qabdiitti amanna.

Rabbiin ni jedhe:

﴿شَرَعَ لَكُمْ مِنَ الَّذِينَ مَا وَصَّنَا لَهُمْ نُوحًا وَالَّذِي أَوْحَيْنَا إِلَيْكَ وَمَا وَصَّنَّيْنَا لَهُمْ إِبْرَاهِيمَ وَمُوسَى وَعِيسَى أَنْ أَقْبِلُوا إِلَيْنَاهُنَّ لَا تَنْفَرُو فِيهِ كُبْرَى عَلَى الْمُسْكِرِينَ مَا نَدْعُوهُمْ إِلَيْهِ اللَّهُ يَعْلَمُ إِلَيْهِ مَنْ يَجْتَبِي إِلَيْهِ مَنْ يَشَاءُ وَيَهْدِي إِلَيْهِ مَنْ يُنِيبُ﴾ [الشورى: ١٢]

“Amantii irraa waan Nuuhiif dhaameefi isa gara kee wahyii goone, waan Ibraahiim, Muusaafi Iisaa dhaamne karaa isiniif godhe. (Innis) amantii sirriitti hojjadhaa, isa keessattiis addaan hin babahinaa jechuudha. Wanti ati itti waamtu mushrikoota irratti guddateera! Rabbiin nama fedhe gara isaatti filata; nama tawbabates gara Isaatti qajeelcha.” (Ashuuraa: 13).

Ergamoonni hunduu namoota uumaman kan goofummaa homaa hin qabne ta'uus ni amanna. Rabbiin waa'ee Nuuh keessatti ni jedhe, inni immoo jalqaba isaaniiti: **“Kuusaaleen Rabbi ana bira jira isiniin hin jedhu; waan fagoos hin beeku. Ani maleykaadhas isiniin hin jedhu.”** Rabbiin Muhammadiin isa dhuma isaanii kan armaan gadii jechuu ajaje: **“Kuusaaleen Rabbi ana bira jira isiniin hin jedhu; waan fagoos hin beeku. Ani maleykaadhas isiniin hin jedhu.”** Kanas jechuu ajaje: **“ani lubbuu kiyyaaf bu'aas ta'ee miidhaa waan Rabbiin fedhe malee hogganuu hin danda'u.”** Ammas Jedhi: **“Ani dhugumatti, miidhaas**

ta'ee qajeeluma isiniif (fiduu) hin danda'u." Jedhi: "*Ani (adabbii) Rabbii irraa wanti tokkollee ana hin baraarsu. Isa malees hirkoo hin argadhu*" jechuu ajaje.

Isaan gabroota Rabbii warra Rabbiin ergaadhaan isaan kabaje irraa ta'uu amanna. Rabbiin yeroo sadarkaa isaanii guddaa himuufi isaan faarsu Rabbiif gabroota ta'uudhaan isaan ibse. Jalqaba isaanii Nuuhiin ni jedhe: "*Inni gabricha akkaan galateeffataa ture.*" Dhuma isaanii Muhammadiin immoo

﴿بَارَكَ اللَّهُ الَّذِي نَزَّلَ الْقُرْآنَ عَلَى عَبْدِهِ لِيَكُونَ لِلنَّاسِ نَذِيرًا﴾ [الفرقان: ١]

"Inni furqaaniin (Qur'aana) akka aalama hundaaf dinniinaa (sodaachisaa) ta'uuf, garbicha Isaa irratti buuse toltuun isaa baay'atte." (Alfurqaan: 1).

Waa'ee ergamoota biroo keessatti ni jedhe: "*gabroottan keenya Ibraahiimiiin, Is-haaqiifi Ya'aquubiin dubbadha.*" Ammas "*gabricha keenya Daawudiin dubbadhu*" jedhe.

"Daawudiif Suleymaaniin kennine. Inni gabricha akkaan toleedha. Inni akkaan gara Rabbii deebi'aadha."

Waa'ee Iisaa ilma Maryam keessatti ni jedhe:

﴿إِنْ هُوَ إِلَّا عَبْدٌ أَنْعَمْنَا عَلَيْهِ وَعَلَّمْنَاهُ مَثَلًا لِتَنْتَهِ إِسْرَئِيلَ﴾ [النَّحْر: ٥٩]

"Dhugumatti inni gabrichuma nuti tola itti oollee ilmaan Israa'iiliif fakkeenya isa taasifne malee homaa miti." (Azzukhruf: 59).

Rabbiin ergoolee hundaawuu ergaa nabi Muhammadiin ﷺ xumuruu isaa ni amanna. Akkuma kana namoota hundatti isaan erges.

Rabbiin ol ta'e ni jedhe:

﴿فُلِّيَّاتِهَا النَّاسُ إِنِّي رَسُولُ اللَّهِ إِلَيْكُمْ جَمِيعًا الَّذِي لَهُ مُلْكُ السَّمَاوَاتِ وَالْأَرْضِ لَا إِلَهَ إِلَّا هُوَ يُعْجِزُ وَيُبَيِّنُ فَقَامُوا بِاللَّهِ وَرَسُولِهِ الَّذِي أَلْمَعَهُ اللَّهُ وَكَلَمَتَهُ وَاتَّقُوهُ لَعَلَّكُمْ تَهَدُونَ﴾ [الأعراف: ١٥٨]

"Jedhi: "Yaa namootaa! Dhugumatti, ani ergamaa Rabbii Isa mootummaan samiifi dachii kan Isaa ta'e irraa gara hunda keessaniitti (ergamee dha). Isa malee dhugaan gabbaramaan hin jiru.

Ni jiraachisa; ni ajeesas. Rabbiifi ergamaa Isaa, kan nabiyyii hin dubbifneefi hin barreessine ta'ee Rabbiifi jechoota Isaatti amanutti, amanaa. Akka qajeeltaniif jecha isa hordofaa." (Al-a'araaf: 158).

30 Akkasumas sharii'aan isaa amantii Islaamaa ishee Rabbiin gabroota isaatiiif jaalateedha. Rabbiin eenyurraayuu ishee malee amantii biraa hin qeebalu. Rabbiin ol ta'e ni jedhe: "amantiin Rabbiin biratti Islaama." Ammas Rabbiin ni jedhe:

﴿الْيَوْمَ أَكْمَلْتُ لَكُمْ دِينَكُمْ وَأَنْتُمْ نَعْمَلُ بِمَا كُنْتُمْ تَرْضِيُّتُ لَكُمُ الْإِسْلَامُ دِينًا﴾ [النادئ: ٢]

"Amantii keessan har'a isiniif guuteera, ni'imaawwan kiyyas isin irratti guuteera. Amantiis Islaama isiniif jaaladheera." (Almaa'idaa: 3).

Ammas Rabbiin ni jedhe:

﴿وَمَنْ يَتَنَعَّمْ عَيْدَ الْإِسْلَامِ دِينًا فَنَّ يُقْبَلَ مِنْهُ وَهُوَ فِي الْآخِرَةِ مِنَ الْحَسِيرِينَ﴾ [آل عمران: ٨٥]

"Namni Islaamaan ala amantii barbaade isarrraa hin qeebalamu. Aakhiraattis inni warra hoonga'an irraayi." (Aala Imraan: 85).

Namni yeroo ammaa amantiin Islaamaan alaa kan akka Yahuudaa, Nasaaraafi kkf sirrii ta'ee Rabbiin biratti qeebalama jechuu yaade kaafira ta'uunisaatti amanna. Akka inni tawbatu irra barbaadama; yoo dideef nama amantii Islaamaa irraa duuba deebi'etti lakkaa'ama. Sababni isaas inni Qur'aana kijibsiise waan ta'eefi.

Namni ergaa nabi Muhammad ﷺ ishee gara namoota hundaatti ergamtetti kafare ergamoota hundattuu kafareera, inumaa nabiyyii isaa isa ittin amana jedhettis kafaruu isaa amanna. Rabbiin ol ta'e ni jedhe: "**ummanni Nuuh ergamoota hunda kijibsiife.**" Odoma isaan dura ergamaan darbe hin jiru ta'uun akka isaan ergamoota hunda kijibsiisanitti dubbate.

Ammas Rabbiin ni jedhe:

﴿إِنَّ الَّذِينَ يَكْفُرُونَ بِاللَّهِ وَرَسُولِهِ وَيُرِيدُونَ أَنْ يُفَرَّقُوا بَيْنَ اللَّهِ وَرَسُولِهِ وَيَقُولُونَ نُؤْمِنُ بِعَصْرٍ وَنَكُفُرُ بِعَصْرٍ وَيُرِيدُونَ أَنْ يَتَخَذُوا بَيْنَ ذَلِكَ سَيِّلًا ١٥٠﴾ [آل عمران: ١٥١-١٥٠]

"Dhugumatti, isaan Rabbiifi ergamtoota Isaatti kafaran, kan gidduu Rabbiitiifi ergamtoota Isaa adda baasuu fedhan, "garii Isaatti ni

amanna; garii Isaatti ni kafarra” jedhanii, gidduu sanitti karaa godhachuu fedhan, Isaan warra dhugaan kafaraniidha. Nutis kaafirootaaf adabbii xiqqeessaa qopheessinee jirra.” (Annisa'i: 150-151).

Akkasumas booda Muhammadii ﷺ nabiyyiin hin jiruutti amanna. Namni booda isaaniitii nabiyyummaa himate yookiin nama himate dhugoomse kaafira. Sababni isaas inni Rabbifi Ergamaa Rabbii kijibsiisaadha. Walii galtee Muslimaas faallesseera.

Nabiyyiidhaaf ﷺ khaliifonni (bakka bu'oони) qaqqajeeloon ummata isaanii keessatti bakka isaanii beekumsaan, da'awaafi mu'uminootaaf amiira ta'uun bu'an jiraachuu amanna. Filatamaafi khaliifummaadhaaf irra kan malu Abuu Bakriidha. Ergasii Umar bin Alkhaxxaab; ittiin aansee Usmaan bin Affaan ergasii Aliyyi bin Abuu Xaalibi.

Akkuma sadarkaa keessatti dabareen ta'an khhaliifummaa keessatti dabareen ta'an. Rabbiin dhaloota irra filatamtuu keessatti nama caalaadhaa isaan keessa jiruu kan biraanisaan irratti hin moosisu.

Isaan kana keessaa inni caalamaanis amala addaa kan ittiin nama isa caalu irra caalu akka qabu ni amanna. Garuu ishee qofaan caaluma walii galaa hin argatu. Sababni isaas wantoonni ittiin wal caalamu baay'ee waan ta'eef.

Akkasumas ummanni nabi Muhammad s.a.w. irra filatamtuu ummataa ta'uun amanna.

Rabbiti ol ta'e ni jedhe:

﴿كُنْتُمْ خَيْرَ أُمَّةٍ أُخْرِجْتُ لِلنَّاسِ تَأْمُرُونَ بِالْمَعْرُوفِ وَتَنْهَاوُنَ عَنِ الْمُنْكَرِ وَتُؤْمِنُونَ بِاللَّهِ﴾
[آل عمران: ١١٠]

“Isin caaltuu ummataa namaaf mul’ifamtee taataniittu. Toltutti ajajju; hamtuu irraas ni dhorgitu; Rabbittis ni amantu.” (Aala Imraan: 110).

Akkasumas irra filatamaan ummataa kanaa sahaabota, ergasii taabi'oota ergasii immoo hordoftoota taabi'ootaa ta'uun amanna. Akkuma kana qoodaan wahii ummataa kana irraa haqa irra jiraattee injifachu irraa hin dhibamtu. Namni isaan xiqqeesse yookiin faallesses hanga amrii Rabbii dhufutti isaan hin miidhu.

Wal dhabbiin jidduu sahaabotaatti uumame hiika isaan ilaalchaan (ijtihaadaan) itti dhaqqan irraa kan ka'e ta'uu amanna. Isaan irraa namni haqa qunname mindaa lama qaba. Kan dogongore immoo mindaa tokko qaba. Dogongorri isaa ni dhiiifamaaf.

Hamtuu isaanii dubbachuu irraa arraba qabuun, faaruu gaarii isaaniin maluun maleetti isaan dubbachuu dhiisuufi qalbii keenya jibbaafi hisdii isaanii irraa qulqulleessuun dirqama ta’uu yaanna.

Ragaan isaa jecha Rabbii ol ta'eeti:

﴿وَمَا لَكُمْ أَلَا تُفْعِلُونَ فِي سَبِيلِ اللَّهِ وَلَهُ مِرْدَنْتُ أَسْنَوَتُ وَالْأَرْضُ لَا يَسْتَوِي مِنْكُمْ مَنْ أَنْفَقَ مِنْ قَبْلِ الْفَتحِ
وَقَنَلَ أُولَئِكَ أَعْظَمُ دَرْجَةً مِنَ الَّذِينَ أَنْفَقُوا مِنْ بَعْدِ وَقَنَلُوا وَكَلَّا وَعَدَ اللَّهُ الْمُسْفِنَ وَاللَّهُ بِمَا تَعْمَلُونَ
حَسْنٌ﴾ [الحديد: ١٠]

“Isin irraa namni injifannoo (Makkaa) dura arjoomeefi qabsaa’e (isaan sana booda arjoomaniifi qabsaa’an wajjiin) wal hin qixxaan. Isaan sun warra sana booda arjoomaniifi qabsaa’an irra sadarkaa guddaa qabu. Hundaa Rabbiin (mindaa) gaarii waadaa galeefii jira.”

Ammas Babbiin ol ta'e ni jedhe:

**وَالَّذِينَ جَاءُوكُمْ بَعْدَهُمْ يَقُولُونَ رَبَّنَا أَعْفُرْ لَنَا وَلَا حُرِّيْنَا الَّذِينَ سَبَقُوكُمْ بِالْإِيمَانِ وَلَا
جَعَلْتُ فِي قُلُوبِنَا غُلَامًا لِلَّذِينَ آمَنُوكُمْ رَبَّنَا إِنَّكَ رَبُّ وَرَحِيمٌ** [الحشر: ١٠]

“Warri booda isaanüttii dhufanis “Yaa Gooftaa keenya! Nuufi obboleeyyan keenya warra ümaanaan nu dursaniif araarami; akkasumas, onnee Keenya keessa jibbaa warra amananiif hin taasisin. Gooftaa keenya! Ati mararfataa rahmata oolaadha” jedhu.” (Alhashr: 10).



Kutaa jahaffaa

Guyyaa aakhiraattis ni amanna. Inni Guyyaa Qiyaamaa isa booda isaatii yeroon biraan hin jirreedha. Namoonni qananii yeroo hundaa yookiin biyya adabbii laalessaa keessatti hafuudhaaf kaafama.

Kaafamuutti ni amanna. Inni yeroo Israafil xurumbaa lammaffaa afuufu Rabbiin namoota du'aa fayyaa taasisee kaasuudha.

Rabbiin ol ta'e ni jedhe:

﴿وَنُفْخَ فِي الصُّورِ فَصَعِقَ مَنْ فِي السَّمَوَاتِ وَمَنْ فِي الْأَرْضِ إِلَّا مَنْ شَاءَ اللَّهُ تَعَالَى فَنَفَخَ فِيهِ أُخْرَى فَإِذَا هُمْ قَيْمٌ يُنْظَرُونَ﴾ [الزمر: ٦٨]

“Garrii (Xurumbaa) keessatti ni afuufama. Warri samii keessaatiif warri dachii keessaa hunduu, nama Allaahn fedhe malee, ni dhumu. Ergasii yeroo biraas isa keessatti afuufama. Yeroo san isaan dhaabbatanii ilaalo ta'u.” (Azzumar: 68).

Namoonni awwaala isaanii irraa kaafamanii kan kophee hin qabne, qullaat uffata hin qabneefi kan hin kittaanamin ta'anii Rabbii alamaatiif dhaabbatu.

Rabbiin ol ta'e ni jedhe:

﴿كَمَا بَدَنَا أَوَّلَ خَلْقٍ تُعِيدُهُ وَعَدًا عَلَيْنَا إِنَّا كُنَّا فَنَعِيلِينَ﴾ [الأنبياء: ١٠٤]

“Akkuma uumaa duraa jalqabnetti isa deebifna. (Kun) waadaa Nu irra jiruu dha. Dhugumatti, Nuti raawwattoota taanee jirra.” (Al-ambiyaa'i: 104).

Galmeen hojji mirgaan yookiin bitaadhaan dugda duubaan akka kennamtu amanna.

Rabbiin ol ta'e ni jedhe:

﴿فَإِمَّا مَنْ أُولَئِكَ بِكِتَبِهِ، بِمِيمِينِهِ، ٧ فَسَوْفَ يُحَاسَبُ حِسَابًا يَسِيرًا ٨ وَإِنَّقَابًا إِلَى أَهْلِهِ، مَسْرُورًا ٩ وَإِمَّا مَنْ أُولَئِكَ بِكِتَبِهِ، وَرَاءَ ظَهَرِهِ، ١٠ فَسَوْفَ يَدْعَوْنَا بُورَارًا ١١ وَيَصْلَى سَعِيرًا ١٢﴾ [الإنشقاق: ١٢-٧]

“Namni galmee isaa mirga isaaatiin kennname; Qormaata salphaa qoramuuuf jira. Gammadaa gara maatii isaa deebi'a. Namni galmee isaa dugda duubaan kennname immoo; Badii kadhachuuf jira. Ibidda boba'aa seena.” (Al-inshiqaaq: 7-12).

Ammas Rabbiin ni jedhe:

﴿وَكُلَّ إِنْسَنٍ الْزَّمْنَهُ طَتِيرٌ، فِي عُنْقِهِ رُجْحٌ لَهُ، يَوْمَ الْقِيَمَةِ كَتَبَاهُ يَقْهُ مَنْشُورًا ١٣ أَفَرَا كِتَبَكَ كُلَّيْنِ إِنْسَانٍ كَيْنَسِيكَ الْيَوْمَ عَلَيْكَ حَسِيبًا ١٤﴾ [الإسراء: ١٣-١٤]

“Nama hundayyuu carraa isaa morma isaatti rarraafnee jirra. Guyyaa Qiyaamaa kitaaba banamaa (inni) isa argatu taasifneeti isaaaf baafna. Kitaaba kee dubbisi. Hardha ati mataan kee of irratti herregaa ta'uuf ga'aadha.” (AL-israa'i: 13-14).

Madaala Guyyaa Qiyaamaa kaa'amu kan lubbuun tokkollee hin miidhamne madaalutti amanna.

Rabbiin ol ta'e ni jedhe:

﴿فَمَنْ يَعْمَلْ مِثْقَالَ ذَرَّةٍ خَيْرًا يَرَهُ، ۝ وَمَنْ يَعْمَلْ مِثْقَالَ ذَرَّةٍ شَرًّا يَرَهُ﴾
[الزلزال: ۸-۷]

“namni toltaa hanga madaala atomii hojjate isa arga. Namni hamtuu irraa madaala atomii hojjates isa arga.” (Azzalzalaa: 7-8).

Ammas Rabbiin ni jedhe:

﴿فَمَنْ ثُقُلَتْ مَوَزِّنَتُهُ، فَأُولَئِكَ هُمُ الْمُفْلِحُونَ ۝ وَمَنْ خَفَّتْ مَوَزِّنَتُهُ، فَأُولَئِكَ الَّذِينَ خَسِرُوا أَنفُسَهُمْ فِي جَهَنَّمَ خَلِيلُونَ ۝ تَلَقَّعُ وُجُوهُهُمْ أَنَارٌ وَهُمْ فِيهَا كَلِيلُونَ﴾ [المؤمنون: ۱۰۲-۱۰۴]

“Namni madaalli (hojji gaarii) isaa ulfaatte, isaan sun warra milkaa'oo dha. Namni madaalli (hojji gaarii) isaa salphattes, isaan sun warra lubbuu isaanii hoongessan. Jahannam keessas yeroo hunda jiraatu. Ibiddi fuula isaanii ni gubdi. Isaanis achi keessatti fuulaa fokkatoota.” (Almu'uminuu: 102-104).

Ammas Rabbiin ol ta'e ni jedhe:

﴿مَنْ جَاءَ بِالْحَسَنَاتِ فَلَهُ عَشْرُ أَمْثَالِهَا ۖ وَمَنْ جَاءَ بِالْسَّيِّئَاتِ فَلَا يُحْجِي إِلَّا مِثْلَهَا وَهُمْ لَا يُظْلَمُونَ﴾ [الأنعام: ۱۶۰]

“Namni toltaaun dhufe, isaaaf (toltaa) fakkaattuu ishee kudhantu jira. Namni hamtaaun dhufe, inni fakkaattuu ishee malee hin mindeeffamu. Isaanis hin miidhamanu.” (Al-an'aam: 160).

Shafaa'aa guddaa kan Ergamaa Rabbii ﷺ isa adda ta'e ni amanna. Ogga rakkoofi cinqiin namoonni hin dandeenye isaan mudatee gara Aadam, ergasii Nuuh, Ibraahiim, Muusaa ergasii Iisaa dhufuudhaan dhumarra gara Ergamaa Rabbii ﷺ dhaqqabnaan eeyyama Rabbiitiin akka jidduu gabrootaati murteeffamu Isa biratti magantaa dhaabbatu.

Mu'uminoota irraa warra ibidda seenaniif akka isaan baafamaniif

shafaa'aa jirutti ni amanna. Inni immoo nabiyyii keenya, nabiyyoota biroo, mu'uminootaafi maleykota hunda ni dabalata.

Akkuma kana Rabbiin mu'uminoota garii shafaa'aa tokkoon maleetti tola Isaatiin akka ibidda irraa baasu ni amanna.

Hawdii Ergamaa Rabbiittis ﷺ ni amanna. Inni bishaan isaa addeenyi isaa aannan irra cimaa, damma irra mi'aawaa, foolii miskii irra urgaa'aadha. Dheerinni isaa adeemsa ji'aati; dalgeen isaas adeemsa ji'aati. Meeshaaleen inni itti dhugamu bareedumaafi baay'ina keessatti akka urjii samiiti. Ummata isaanii irraa warra mu'uminootatu isarra fidama. Namni isarraa dhuge sana booda hin dheebootu.

Akkuma kana siraaxii jahannama irra kaa'amee jirutti ni amanna. Namoonni hanga hojii isaaniitiin isarra taru. Jalgabni isaanii akka calanqee (hangasuutti) taru. Ergasii akka qilleensaatti, ergasii akka simbiraatiifi dhiira cimaatti tara. Nabiyyiin ﷺ siraaxii irra dhaabatanii “*yaa Rabbi nagaa taasisi! Nagaa taasisi!*” jedhu. Haala kanaan odoo deemuu hojii gabrootaa dadhabee namni daa'imu dhufa. Moggaa siraaxii lamaan irrayyuu okkoolee fannifamtuu nama qabuutti ajajamte qabutu jira. Issaan irraa kan qaamni isaanii bocoqfamee tarutu jira; kan ibidda keessatti kufus ni jira.

Oduufi rakkoo guyyaa sanaa irraa waan Qur'aanaafi hadiisa keessatti dhufe hundattuu ni amanna. Rabbiin isarratti nu haa gargaaru.

Shafaa'aa akka warri jannataa jannata seenan Nabiyyiin ﷺ dhaabbatanittis ni amanna. Inni dhuunfaa Nabiyyiiti ﷺ.

Jannataafi ibiddattis ni amanna. Jannanni mana qananii kan Rabbiin mu'uminoota warra Isa sodaataniif qopheesseedha. Ishee keessa gosa qananii kan ijji hin argin, gurri hin dhagahiniifi qalbii namaa irratti hin uumamintu jira.

Rabbiin ol ta'e ni jedhe:

﴿فَلَا تَعْلَمُ نَفْسٌ مَا أُخْبِتَ لَهُمْ مِنْ قُرْبَةٍ أَعْيُنُ جَزَاءً بِمَا كَانُوا يَعْمَلُونَ﴾ [السجدة: ١٧]

“Mindaawaan isaan hojjetaa turaniif jecha, gammachuu ijaa irraa waan isaaniif dhokfame lubbuun tokkoyyuu hin beektu.” (Assajdaa: 17).

Ibiddi mana adabbii kan Rabbiin kaafiroota miidhaa raawwattootaaf

qopheesseedha. Ishee keessa adabbiifi dheekkamsa irraa qalbiin namaa hin yaannetu jira.

Rabbiin ol ta'e ni jedhe:

36

﴿ وَقُلِ الْحَقُّ مِنْ رَبِّكُمْ فَمَنْ شَاءَ فَلِيَكُفَّرْ إِنَّا أَعْتَدْنَا لِلظَّالِمِينَ نَارًا أَحَاطَ بِهِمْ سُرَادُقُهَا وَإِنْ يَسْتَغْشِيُوا يَعْلَمُو بِمَا كَالَّمْهُلِ يَسْوِي الْوُجُوهَ يُنسِي الشَّرَابَ وَسَاءَتْ مُرْفَقًا ﴾ [الكهف: ٢٩]

“Dhugaan Rabbii keessanirraa tahe (isinitti dhufe) abbaan fedhe haa amanuu abbaan fedhe haa kafaruu jedhiin, Dhugumatti, Nuti miidhaa hojjattootaaf ibidda dallaan ishee isaanitti marse qopheessinee jirra. Yoo birmachiifatanis bishaan akka rajaa (siicoo) danfeetti fuula quncisutu isaaniif kennama. Dhugaatichis akkaan fokkate! Hirkannaanis akkaan fokkate!” (Alkahf: 29).

Isaan lamaanuu amma ni jiru. Yoomuu immoo hin dhumanu.

Rabbiin ol ta'e ni jedhe:

﴿ رَسُولًا يَنْلَوْ عَيْنَكُمْ إِذَا يَأْتِيَ اللَّهُ مُبِينٌ لَتَخْرُجَ الَّذِينَ آمَنُوا وَعَمِلُوا الصَّالِحَاتِ مِنَ الظَّالِمِينَ إِلَى النُّورِ وَمَنْ يُؤْمِنُ بِاللَّهِ وَيَعْمَلْ صَلِحًا يُدْخَلُهُ جَنَّتَ تَجْرِي مِنْ تَحْتِهَا الْأَنْهَارُ خَلِيلِينَ فِيهَا أَبْدًا قَدْ أَحَسَنَ اللَّهُ لَهُ زِرْفًا ﴾ [الطلاق: ١١]

“Ergamaa aayatoowwan Rabbii tan haqa mul'iftuu taate isinirratti qarau (isinitti ergine), akka warren amananii gaarii dalagan dukkanoowwanirraa gama ifaatti baasuuf (jecha ergine). Nama Rabbitti amanee gaariis dalage jannatoota jala ishee laggeen yaatu keessatti yeroo hundaaf hafoo taasisee isa seensisa. Dhugaatti Rabbiin isaaf soorata bareeche.” (Axxalaaq: 11).

Rabbiin ol ta'e ni jedhe:

﴿ إِنَّ اللَّهَ لَعَنِ الْكُفَّارِ وَأَعَدَ لَهُمْ سَعِيرًا ﴿٤﴾ خَلِيلِينَ فِيهَا أَبْدًا لَا يَجِدُونَ وَيَأْتِيَ لَا تَنْصِيرًا ﴿٥﴾ يَوْمَ شَقَابٍ وُجُوهُهُمْ فِي أَنَارٍ يَقُولُونَ يَنْيَاتِنَا أَطْعَمْنَا اللَّهَ وَأَطْعَمْنَا الرَّسُولَ ﴾ [الأحزاب: ٦٤ - ٦٦]

“Dhugumatti, Rabbiin kaafiroota abaaree ibidda boba'aas isaaniif qopheessee jira. Yeroo hundas ishee keessa kan jiraatan ta'anii, jaalallees ta'ee gargaaraa (isaan baraaru) hin argatan. Guyyaa fuulli isaanii ibidda keessatti gara gaggalfamtu, “yaa hawwii keenya! Odoo ajaja Rabbiitiifi ajaja ergamaa (Isaa) fudhannee” jedhan.” (Al-ahzaab: 64-66).

Namoota Qur'aanni yookiin hadiisni jannata dhuunfaa isaaniitti yookiin amalaan ragaa baheef nus ragaa baanaaf. Namoota dhuunfaadhaan ragaan bahameef keessaa Abuu Bakr, Umar, Usmaan, Aliyyiifi kkf warra Ergamaan Rabbii ﷺ maqaa isaanii dhahanii ragaa bahaniiif.

Amalaa ragaa bahuun immoo nama mu'uminaa Rabbiin sodaatu hundaaf jannata ragaa bahuudha.

Akkuma kanas namoota Qur'aanniifi hadiisni akka dhuunfaatti yookiin amala isaaniitiin ibidda isaaniif ragaa bahe nutis ragaa baana.

Akka dhuunfaatti namni ibidda galuun isaa ragaa itti bahame Abuu Lahb, Amr bin Hayyi Alkhuzaa'iyyiifi kkf.

Ragaan inni amalaa immoo kaafiroota, mushrikootaafi Munaafiqoota isa guddaa warra qabuuf ibidda ragaa bahuudha.

Akkuma kana mokkoroo qabriitti ni amanna. Inni gabricha qabrii isaa keessatti gooftaa isaa, amantii isaafi nabiyii isaa irraa gaafachuudha. Rabbiin ol ta'e ni jedhe:

﴿ يَسْأَلُ اللَّهُ الَّذِي كَانَ مُعْنَوًا بِالْقَوْلِ الشَّاهِدِ فِي الدُّنْيَا وَفِي الْآخِرَةِ ﴾ [ابراهيم: ٢٧]

“Warra amanan jirenyaa adduniyaafi Aakhira keessatti jecha gadi dhaabbataadhaan Rabbiin gadi (isaan) dhaaba.” (Ibraahiim: 27).

Mu'uminni yeroo san Rabbiin kiyya Allaahiidha; amantiin kiyya Islaama. Nabiyiiin kiyya immoo Muhammadi jedha. Kaafirriifi munaafiqni 'hin beeku; namootaa waa jedhanuu dhaga'ee isuma jedhe' jedha.

Qananii mu'uminootaa kan qabrii keessaattis ni amanna. Rabbiin ol ta'e ni jedhe:

﴿ الَّذِينَ نَوَّفَهُمُ الْمُلَيَّكَةُ طَيْبُونَ يَقُولُونَ سَلَامٌ عَلَيْكُمْ أَدْخُلُوا الْجَنَّةَ بِمَا كُنْتُمْ تَعْمَلُونَ ﴾ [النحل: ٢٢]

“(Isaan) warra gaggaarii ta'anii maleykonni “nageenyi isin irratti haa jiraatu; waan hojjachaa turtaniinis jannata seenaa” jedhaa isaan ajjeefteedha.” (Annahl: 32).

Akka kaafiroonni zaalimoonni qabrii keessatti azzabamanis ni amanna. Rabbiin ol ta'e ni jedhe:

﴿وَلَوْ تَرَى إِذَا الظَّالِمُونَ فِي غَمَرَاتِ الْمَوْتِ وَالْمُكَفَّرُونَ كُلُّهُمْ بَاسِطُوا أَيْدِيهِمْ أَخْرِجُوهُ أَنْفُسَهُمْ أُبَيْوْمَةً
بُعْزَوْنَ عَذَابَ الْهُنْوَنِ يِمَا كُنْتُمْ تَقُولُونَ عَلَى اللَّهِ عِنْ الْحَقِّ وَكُنْتُمْ عَنْ عَائِدَتِهِ تَسْتَكْبِرُونَ﴾ [الأنعام: ٩٣]

“Odoo yeroo miidhaa hojjattoonni haguuggaa du’aa keessa ta’aniim malaykonnis harka isaanii diriirsanii “lubbuu keessan baasaa; har’ a isin waan Rabbi irratti dhugaan alaa jedhaa turtaniifi keeyyattoota Isaa irraa boonaa turtaniif, adaba salphisaa galata galfamtu” (jedhanu) argitee (dubbii rifachiisaa argita ture).” (Al-an'aam: 93).

Hadiisonni kana keessatti dhufan baay'eedha; beekamoodhas. Mu'umina irra kan jiru waan fagoo (ghaybi) kana irraa waan Qur'aanaafi hadiisa keessatti dhufetti amanuufi waan addunyaatti argaaruun ishee mormuu dhiisuutu dirqama ta'a. Amriin aakhiraan kan addunyaatiin hin madaalamu; sababni isaas garaagarummaa guddaatu jidduu jira waan ta'eef. Rabbumatu gargaarsifatama.



KUTAA TORBAFFAA

Qadaras tolzuufi hamtuu isaatti ni amanna. Inni murtii Rabbii kan Inni uumamoota Isaa hundaafuu haala beekumsa Isaa keessatti tareefi ogummaan Isaa murteessiteen godheedha. Qadarri sadarkaa afur qaba.

1. Beekumsa:

Rabbiin waan hundaa beekaa ta'uu Isaa amanna. Waan argamee tare, kan fulduratti argamuufi haala kamiin akka inni argamu beekumsa Isaa turaa ta'een beekeera. Beekumsa booda wallalumaatii isaas argamu hin jiru; erga barees daguun wahii isa hin mudatu.

2. Barreefama:

Rabbiin waan hanga Guyyaa Qiyaamaatti uumamu Lawhal Mahfuuz keessatti barreessuu isaa ni amanna. Rabbiin ol ta'e ni jedhe:

﴿أَلَمْ تَعْلَمْ أَنَّ اللَّهَ يَعْلَمُ مَا فِي السَّمَاوَاتِ وَالْأَرْضِ إِنَّ ذَلِكَ فِي كِتَابٍ إِنَّ ذَلِكَ عَلَى اللَّهِ يَسِيرٌ﴾ [الحج: ٧٠]

“Sila Rabbiin wantoota samiifi dachii keessa jiran hunda akka beeku hin beektuu? Dhugumatti, kun kitaaba (Lawhal Mahfuuz) keessa jira. Dhugumatti, kun Rabbi irratti laafaa dha.” (Alhajji: 70).

3. Fedhii Rabbii:

Rabbiin wantoota samiifi dachii keessaa hundaawuu fedhuu isaatti ni amanna. Wanti tokkollee fedhii isaatiin malee hin argamu. Wanti Rabbiin fedhe ni argama; wanti Rabbiin hin fedhin hin argamu.

4. Uumuu Rabbii:

“Rabbiin uumaa waan hundaati. Inni waan hunda irrattis tiksaadha” ta’uu ni amanna.

Sadarkooleen afran kun waan Rabbiin biraan argamuufi waan gabroota irraa argamus ni dabalata. Wanti gabroonni raawwatan kan akka haasaa, gocha yookiin waa dhiisuu hunduu Rabbiin biratti beekamaadha. Isa biratti barreeffamaadha. Akkasumas Rabbiin ishee fedhee barreesseera. Rabbiin ol ta’e ni jedhe:

﴿لَمْ شَاءِ مِنْكُمْ أَنْ يَسْتَقِيمَ ﴾ [٢٩] ﴿ وَمَا تَشَاءُونَ إِلَّا أَنْ يَشَاءَ اللَّهُ رَبُّ الْعَالَمِينَ ﴾ [التكوير: ٢٨]

“Nama isin irraa qajeeluma fedheef (gorsa ta’a). Yoo Rabbiin aalama hundaa fedhe malee isin homaa hin feetanu.” (Alkuwwirat: 28-29).

﴿وَلَوْ شَاءَ اللَّهُ مَا أَفْتَلُوا وَلَكِنَّ اللَّهَ يَفْعُلُ مَا يُرِيدُ ﴾ [البقرة: ٢٥٣]

“Odoo Rabbiin fedhee, wal hin lolan. Garuu Rabbiin waan fedhe hojjata.” (Albaqaraa: 253).

﴿وَلَوْ شَاءَ رَبُّكَ مَا فَعَلُوهُ فَذَرْهُمْ وَمَا يَفْرُدُونَ ﴾ [الأنعام: ١٣٧]

“Odoo Rabbiin fedhee isa hin hojjatanu ture; isaaniifi cubbuu isaan uuman dhiisi.” (Al-an'aam: 137).

﴿وَاللَّهُ خَلَقَكُمْ وَمَا تَعْمَلُونَ ﴾ [الصافات: ٩٦]

“Rabbiin isiniifi waan isin hojjattan uume.” (Assaaffaat: 96).

Kanuma waliin akka Rabbiin gabrichaaf filannoofi dandeettii ittiin hojiin argamu kenneera.

Ragaan hojiin gabrichaa filannoofi dandeettii isaatiin ta'uu akeeku:

1. Rabbiin ni jedhe: "*Qonaa keessan akka feetaniin itti dhaqaa.*"
"odo oolaaf bahuu fedhanii silaa qophii isaaf qophaa'u turan."
Kana keessatti Rabbiin fedhii isaatiin gara niitii isaa dhaquufi qophaa'uu mirkaneesseera.
2. Ajajaafi dhorgaa gara gabrichaatti deebisuu: odoo gabrichaaf filannoofi dandeettiin hin jirree kana gara isaatti deebisuun waan inni hin dandeenye dirqisiisuu ta'a. Kana immoo ogummaa, rahmataafi haasawni isaa dhugaa ta'e ni dida. "*Rabbiin lubbuu kamuu dandeettii isheetii ol hin dirqisiisu.*"
3. Nama gaarii hojjate gaarii isaa irratti faarsuufi nama badii hojjate hojii isaa irratti arrabsuudha. Akkasumas lamaan isaaniituu hojii isaanii irratti mindeessuudha. Odoo hojiin fedhiifi filannoo gabrichaatiin argama hin taanee nama gaaromse jajuun tapha (waan bu'aa hin qabne hojjachuu) nama balleesse adabuun immoo miidhaa (zulmii) ta'a. Rabbiin immoo lamaan isaa irraawuu qulqulluudha.
4. Rabbiin ol ta'e ergamoota "*akka namootaaf booda ergamootaatii Rabbirratti ragaan hin jiraanneef gammachiisoofi dinniinoo godhee erge.*" Odoo hojiin gabrichaa fedhiifi filannoo isaatiin hin argamu ta'ee ragaan isaa ergamaa erguudhaan hin badu ture.
5. Namni waa hojjatu kamuu ogga waa hojjatuufi dhiisu dirqisiisaan tokko itti dhaga'amuudhaan maleetti. Inni fedhii isaa qofaan dhaabbata, taa'a, seena, baha, imala baha; biyyas tura. Wanti tokkollee sanarratti isa dirqisiisuu itti hin dhaga'amu. Qabatamaan waan tokko dirqamaan hojjachuufi filannoodhaan hojjachuun adda ni baha. Sharii'aan akkuma kana haala gaariin adda baase. Kanaafuu nama dirqisiifamee haqa Rabbii keessatti waa hojjate Rabbiin isa hin qabu.

Kanaafuu namni yakka hojjate tokko sanarratti qadara ragaa godhachuu isaa hin ta'u jechuu yaanna. Sababni isas namni dilii hojjatu kamuu filannoo isaatiin odoo Rabbiin Isarratti murteessuu hin beekin badii hojjata. Namni tokkollee erga waa hojjatamee taree malee

murteeffamuu isaa hin beeku. “*Lubbuun kamuu waan bor hojjattu hin beektu.*” Akkamumatti namni tokko waan yeroo hojjatu hin beekne ragaa godhata ree? Rabbiin ragaa kana akka hin taane ibseera:

﴿سَيَقُولُ الَّذِينَ أَشْرَكُوا لَوْ شَاءَ اللَّهُ مَا أَشْرَكَنَا وَلَا إِبَابَاً وَلَا حَرَمَنَا إِنْ شَاءُ كَذَلِكَ كَذَبٌ
الَّذِينَ مِنْ قَبْلِهِمْ حَتَّىٰ ذَاقُوا بَأْسَنَا قُلْ هَلْ عِنْدَكُمْ مِنْ عِلْمٍ فَتُخْرُجُوهُ لَنَا إِنْ تَنْبِعُونَ إِلَّا
أَظْلَانَ وَإِنْ أَنْتُمْ إِلَّا ضَرُّوْنَ﴾ [الأنعام : 148]

“Isaannan qindeessan fuulduratti ni jedhu “odoo Rabbiin fedhee, silaa nutis ta’ee abbootiin keenya hin qindeessinu turre. Wanta tokkos haraamaa hin taasifnu turre. Akkasuma warri isaan dura turan hanga adaba keenya dhandhamanitti kijibsiisan. “Sila beekumsa irraa inni isin nuuf baasuu (fiduu) dandeessan isin bira ni jiraa? Shakkii malee homaa hordofaa hin jirtanu. Isinis kijiboo malee hin taane” jedhi. (Al-an'aam: 148).

Yakkamicha qadara ragaa godhatuun “maaliif Rabbitu naaf murteesesse jettee hojii gaarii hin hojjanne? Sababni isaas odoo ati hin hojjatin dura hojii toltaifi yakki qadarri isaa wallaalamuu keessatti wal qixa.” Kanaafuu Ergamaan Rabbii ﷺ akka nama hundaafuu bakki isaa kan jannataafi ibiddaa isaaaf barreeffameera jedhan. Sahaabonis “egaa isarratti hirkannee hojii hin dhiifnuu?” jedhan. Ergamaan Rabbii ﷺ ni jedhan: “***lakkisaa! Hojjadhaa. Hunduu waan uumameef laaffifama.***”

Yakkamicha qadara ragaa godhatuun “odoo gara Makkaa imala deemuu kan feetu taatee isheen immoo karaa lama qabaannaan namni amanamaan wahii ‘inni tokko sodaachisaa rakkisaadha; inni kaan immoo nagaa salphaadha’ jedhee sitti himee ati karaa isa lammaffaa irra deemta. Yoo maal ta’e isa tokkoffaa irra hin deemtee Rabbitu murteesesse hin jettu. Odoo ati akkas gootee namnis maraatuutti si lakkaa’ a” jennaan.

Ammas isaan ni jenna: “odoo hojiin lama sirra fidamee tokko mindaa guddaa qabaatee ati isa keessa hojjatta. Ergasii akkamuma ati hojii aakhiraat keessatti isa hin taane lubbuu keetii filattee qadara ragaa godhatta?”

Ammas namichaan ni jenna: “ati yeroo dhukkubni qaamaa si mudate hulaa wallaansaa hundaa rukuttee wallaanamta. Hojii akka madeessuu wallaansa keessatti si mudateefi hadhoo dawaa hunda irratti ni obsita. Maaliif dhukkuba qalbii keetii keessatti akkas hin goone?”

Sababa rahmanniifi ogummaan Rabbii guutuu ta'eef jecha hamtuun yoomuu gara Rabbiitti hin hirkifamuu yaanna. Nabiyyiin ﷺ ni jedhan: "hamtuun gara keetii miti." Muslimtu gabaase. Murtiin Rabbii mataan ishee yoomuu hamtuu miti. Sababni isaas isheen rahmataafi ogummaa irraa waan argamteefi. Kan hamtuun jiraatu waan murteeffame keessa. Nabiyyiin ﷺ du'aa'ii Hasan bin Aliyyii barsiisan keessatti ni jedhan: "hamtuu waan murteessitee irraa na tixsi." Hamtuu gara waan Inni murteesseetti hirkisan. Kanuma waliinuu wantoonni murteeffaman hamtuu qulqulluu miti. Kan inni ta'u bakka tokkotti kallattii tokkoon hamtuudha; kallattii biraatiin immoo tolтуudha. Yookiin immoo bakka isaatti hamaa ta'ee bakka biraatti tolтуu ta'a.

Fakkeenyaaaf hoongee, dhukkuba, hiyyummaafi sodaadhaan dachiin keessi baduun hamaadha. Garuu inni bakka gariitti tolтуudha. Rabbiin ol ta'e ni jedhe:

﴿ظَهَرَ الْفَسَادُ فِي الْبَرِّ وَالْبَحْرِ بِمَا كَسَبَتْ أَيْدِي النَّاسِ لِذِيَّةِهِمْ بَعْضُ الَّذِي عَمِلُوا لَعَلَّهُمْ يَرَجِعُونَ﴾ [الروم: ٤١]

"Garii waan isaan dalaganii akka isaan dhandhamisnuuf jecha, sababa waan harki namaa hojjetteetiin dachiifi galaana keessattis badiin mul'ate. Deebi'uun isaaniis ni kajeelama." (Arruum: 41).

Harka hattuu kutuufi nama sagaagala hojjate dhagaan ajjeesun hattuufi sagaagalaa sanaaf waan harki isaa cituufi lubbuun isaa bahuuf jecha hamaadha. Garuu inni kallattii biraatiin isaaniif gaariidha. Innis badii isaanii san irraa harcaasa waan ta'eef. Adabbiin addunyaafi aakhiraat iddootti isaan hin mudatu waan ta'eef. Akkuma kana isa keessa bu'aan biraan ni jira; innis qabeenya, kabajaafi gosa tiksutu keessa jira.



Kutaa saddeetaffaa

Aqiidattiin ol aantuun bu'uura gurguddaa kana of keessatti qabattu kun nama isheetti amaneef bu'aalee gurduddaa baay'ee buufti.

Rabbitti, maqolee isaatiifi amaloota Isaatti amanuun gabrichaaf jaalala Rabbiifi Isa guddisuu kan ajaja Isaa hojjachuufi dhorgaa Isaa dhiisuutti

nama kakaasan argamsiisa. Ajaja Rabbii hojjachuufi dhorgaa Isaa dhiisuun immoo addunyaafi aakhiraatti dhuunfaafi hawaasaaf milkuun ittiin argama. Rabbiin ni jedhe:

﴿مَنْ عَمِلَ صَالِحًا مِّنْ ذَكَرٍ أَوْ أُنْثَى وَهُوَ مُؤْمِنٌ فَلَنْجِيَّتْهُ حَيَاةً طَيِّبَةً وَلَنْجِزِيَّهُمْ أَجْرَهُمْ بِأَحْسَنِ مَا كَانُوا يَعْمَلُونَ﴾ [النحل: ٩٧]

“Dhiuras ta’ee dubartii irraa nama mu’umina ta’ee dalagaa gaarii hojjate, dhugumatti jireenya gaarii isa jiraachifna; mindaa isaaniis irra gaarii waan isaan dalagaa turaniitiin isaan mindeessina.” (Annahl: 97).

Bu’aa maleykaatti amanuun qabu keessaa:

1. Rabbiin isaan uume guddaa, humna qabeessaafi taayitaa guutuu qabaachuu baruu.
2. Akka Rabbiin gabroota isaatiif xiyyeeffannaa godhe ilaalanii Rabbiin galateeefchuu. Innis Rabbiin maleykota kana irraa kan namoota tiksuum, hojii isaanii galmeessuufi bu’aa gabrootaa kan biroo raawwachuu taa’an namatti wakkaleef.
3. Maleykanni sababa isaan haala guutuu ta’een ibaadaa Rabbiin hojjatanuufi mu’uminootaaf araarama barbaadanuuf isaan jaalachuutu argama.

Bu’aa kitaaboleetti amanuun qabu:

1. Akka Rabbiin gabroota Isaatti tola ooleefi ummata Isaatiif xiyyeeffannaa kennu baruu. Innis isa Inni ummata hundaaf kitaaba ittiin isaan qajeelchu erge.
2. Ogummaa Rabbiitu namaaf ifa gala. Kunis kan ta’u Rabbiin kitaabolee kana hunda keessattuu waan ummata sanaan wal madaalu karaa godhe. Goolabni ergaa kanaa Qur'aana guddaadha. Inni ummata hundaafuu baraafi bakka hanga Guyyaa Qiyaamaatti jiruuf ni ta’a.
3. Sanarratti Rabbiin galateeefchuuudha.

Bu’aa ergamootatti amanuun qabu:

1. Akka Rabbiin gabroota Isaatti tola ooleefi ummata Isaatiif

xiyyeffannaan kenu baruu. Innis kan Rabbiin qajeelfamaaf jecha ergamoota kabajamoo kana gara namootaatti erguu Isaatiini.

2. Qananii guddaa kana irratti Rabbiin galateeffachuu.
3. Ergamoota jaalachuu, isaan kabajuufi waan isaaniin maluun isaan faarsuu. SababniisaasisaanergamootaRabbii; gabroota Rabbii qulqulluudha. Rabbiif jecha ibaadaa isaatiin, ergaa Isaa dhaqqabsiisuuf, gabroota Rabbii gorsuufi rakkoo isaan irra dhaqqabe irratti obsuudhaan dhaabatan.

Bu'aa guyyaa aakhiraatti amanuun qabu:

1. Mindaa guyyaa sanaa barbaachaaf jecha hojji gaarii hojjachuuf ariifachuu; adabbii guyyaa sanaa sodaaf jecha yakka irraa fagaachuu.
2. Mu'umintoota yoo qananiin addunyaafi meeshaan ishee isaan tares qananiifi mindaa aakhiraan kan inni kajeeluun isa obsiisuutu keessa jira.

Bu'aa qadaratti amanuun qabu:

1. Yeroo sababa hojjatan Rabbiratti hirkachuu. Sababniifi wanti sababichi barbaachiseef hunduu murtii Rabbiiin waan ta'eef.
2. Lubbuun boqochuufi qalbiin tasgabbaa'uutu keessa jira. Sababniisaasinni yeroo wanti isa mudate murtii Rabbiiin bare, hamtuun kun uumamuun ishee hafiinsa hin qabuu beeke lubbuun isaa boqotee qalbiin isaa tasgabbaa'uudhaan murtii Rabbii jaalatee qeebala. Namni tokkollee kan nama qadaratti amane irra jiruu irra gaarii, lubbuu boqottuufi tasgabbii cimaa qabu hin jiru.
3. Yeroo kaayyoon namaan milkaa'e boona lubbuu irraa fageessuu. Sababniisaas wanti sun milkaa'uun qanani Rabbii biraat'a'eefi sababoolee toltuufi milkii inni murteesseedha. Kanarratti boona dhiisee Rabbii galateeffata.
4. Yeroo kaayyoon namaan milkaa'u dide yookiin rakkoon wahii argame dhiphinaafi cinqii of irraa deemsisuu. Sababniisaas sun

murtii Rabbii isa Mootummaan samiifi dachii harka isaa jirtuuti. Inni argamuun isaa hafinsa hin qabu. Achumaan kanarratti obseete mindaa Rabbirratti herreggata.

Rabbiin jecha Isaa armaan gadii kanaan kanatti akeeke: “*Rakkoo irraa wanti dachiifi lubbuu keessattu isin tuqe kamillee, odoo ishee hin uumin dura kitaaba keessattu galmeessinu malee hin hafu. Dhugumatti, kun Rabbi irratti laafaa dha. Akka waan isin jalaa dabre irratti hin yaaddofneefi waan (Rabbiin) isiniif kennettis (garmalee) hin gammadneefi (kana godhe). Rabbiin nama boonaa, dhaaddataa hunda hin jaallatu.*” (Alhadiid: 22-23).

Akka Rabbiin aqiiadaa kana irratti gadi nu dhaabu, bu'aa isheellee nu argachiisu, tola Isaa irraa nuu dabalu, qalbii keenyas erga nu qajeelchee akka hin jallifneefi rahmata isa biraat a'e akka nuuf kennu Isa kadhanna. Inni Isumatu kennaadha waan ta'eef. Faaruun kan Rabbii gooftaa aalamaati.

Rabbiin nabiyii keenya Muhammad, maatii isaanii, sahaabota isaaniif warra haala gaariin isaan hordofe irratti rahmataafi nageenya haa buusu.

**Xumurameera,
Qalama qopheessaatiin
Muhammad Assaalih Al-Usaymiin
Shawwaal 30, 1404 ALH.**

IslamHouse.com

 IslamHouseOr

 IslamHouseOR/

 islamhouse.com/or/

 IslamHouseOr/

For more details visit
www.GuideToIslam.com



contact us :Books@guidetoislam.com

 Guidetolslam.org  Guidetoislam1  Guidetoislam  www.Guidetoislam.com



المكتب التعاوني للدعوة وتوعية الجاليات بالرِّبَوة

هاتف: +٩٦٦١١٤٤٥٤٩٠٠ - فاكس: +٩٦٦١١٤٩٧٠١٢٦ ص.ب ٢٩٤٩٥، الرياض ١١٤٥٧

ISLAMIC PROPAGATION OFFICE IN RABWAH

P.O.BOX 29465 RIYADH 11457 TEL: +966 11 4454900 FAX: +966 11 4970126

AQIIDAA AHLUSSUNNA WALJAMAA'AH

kitaaba kana keessatti barnoota bu'ura aqiidaa sirrooftuu muslimtootaattu ibsame.waayee towhiida Rabbiiti fii maqaleefii sifaata isaa keessatti ibsa guddaa qaba. Ragaalee qur'aanaafii hadiisaarratti hundaawuudhaan.

IslamHouse.com

